

ASO LUA, 30 IANUARI 2024

Na nofoia e le Fofoga Fetalai le Nofoa i le itula e 9:30 i le taeao.

FOFOGA FETALAI: Ou te faasilasila atu ua amatalia nei Taulumaga a le Fono Aoao Faitulafono.

Ua tepa i ula ma ua taga'i i matagofie lenei taeao ina ua tatou toe feofaofata'i i le fiafia ma le manuia. E le faaititia ai lava le loto faafetai a'e i le tatou Tapaau Sili ona o Lana tausiga alofa ma Lona Aao faaola ua malutia ai lo outou soifua ma so matou ola. Ua Ia foai lenei aso fou, e i ai foi le talitonuga o se aso o faamanuiaga a le Atua ua Ia tatala mai mo lo tatou valaauina. Foi pea ia le viiga ia te Ia.

Taoto ia paia faaifogata o le Palemene vaeatu le faafofoga mai a Samoa, e atu foi le taofi ina ne i afaina tagata fili e pei o le upu i tuamaota o Sa Sa'u ma Sa'uma. O paia lava ma mamalu e tumau seia oo i le faavavau, nuunuu atu ia.

Ou te faatalofa atu ai i lenei taeao i le afio o lau Afioga i le Tamaitai Palemia, afifio a outou Afioga i Minisita o le Kapeneta, afifio Afioga i Minisita Lagolago.

I lea talaga atoa i le afio o lau Afioga i le Taitai o le Itu Agai faapea foi le Sui Taitai ma sui usufono mamalu uma o le Palemene. Malo le usu i lenei taeao i lo outou lagi e mama ma le soifua manuia, malo le folau.

Le afifio mai o Ofisa Sili o Pulega o Matagaluega ma Faalapotopotoga Tumaoti a le tatou Malo faapea foi nisi o le mamalu o le atunuu ua tatou auai faatasi, e faatalofa atu.

E i ai foi le talitonuga o lo o folau pea i manu le alofaiva o le atunuu. Samoa ma lau tapuai faafofoga mai i lenei taeao i ou tulaga faalupelupeina e le gata i Samoa nei ae faapea foi atunuu mamao. E faatalofa atu lau Palemene, tapuai maia ma le manuia.

E le toe tau faailo le faagasologa ua oo i ai le tatou galuega. O le tatalo lava a le Fofoga Fetalai ia sagai ane ai o le tai, faaaupegaina mai le lagi so outou finagalo e maufu'efu'e ai le liu o le tatou vaa. Manuia tele le usugafono a le tatou Palemene, manuia le tapuai mai a le atunuu.

TULAFONO TAU FAAOFI O LE FAATATAUINA O TUPE FAAOPOOPO (Nu.1) 2023/2024 – felafolafoaiga faaauau i luga o le faitauga faalua – Aso 5

FOFOGA FETALAI: E tolopo felafolafoaiga i le Aso Faraile na se i mavae atu nei ua maea saunoa le Taitaifono o le Komiti o Tupe Maua ma Tupe Totogi.

Ua taoto foi i le Maota le saunoaga a le Taitai o le Malo i faasologa o Tali a le Kapeneta i mataupu sa laga i saunoaga a le tatou Maota.

E le toe tau faailo le tele o mataupu na laga i saunoaga faalauaitete a le tatou Maota i le Tala Faatatau Faaopoopo (Nu.1) o le Tupe 2023/2024. Ona i ai lea o le manatu o le avanoa lea mo le Malo e talifuaiteu ai i mataupu sa laga e sui usufono mamalu.

E faamanatu atu foi i le paia o le tatou Maota o lea foi ua ou nofo atu ma le lisi o sui usufono mamalu na laga o latou finagalo agai i Minisita. Na ou faamaumauina uma lava suafa o i latou uma, ia aua lava ne i soona faauilavea se tasi e le i faapea na laga sona finagalo i Minisita taitasi o le tatou Kapeneta ina ia faasaoina ai foi le tatou taimi ma faasologa manuia ai le tatou galuega.

O le mea lea, ou te tapa ma le faaaloalo lau Afioga i le Tamaitai Palemia mo lau saunoaga.

Afioga Hon FIAME NAOMI MATAAFA (Palemia): Faafetai tele i lau Afioga i le Fofoga Fetalai mo le avanoa e amatalia ai le galuega o le pitolaau a le Malo i le talifuaiteu i le felafolafoaiga i luga o le tatou Tala Faaopoopo Nu.1 2023/2024.

Ae le i faia se faamatalaga e ao ona matou faafeiloai atu i le agaga faaaloalo i le Maota, faafetai i le alofa o le Atua ua maleifua mai i faguga lelei lau Afioga i le Fofoga Fetalai, faapea foi sui usufono mamalu o le Palemene. Ia, tainane le tapuaiga a sui o Matagaluega ma Ofisa o lo o lagolago mai i le tatou galuega o lo o faagasolo.

E momoli atu le agaga o le faamalo i lau Afioga i le Fofoga Fetalai i le faafoeina o le tatou galuega ma le solosolo lelei o felafolafoaiga i totonu o le tatou Maota ia sologa lelei ma manino ia finagalo faaalua. E taua foi i le faalogologo atu a le tatou Malo i le folasia o finagalo o sui usufono o le Maota.

E momoli atu le faafetai i le afioga i le Taitaifono o le Komiti o Tupe ma sui usufono mamalu o le Komiti e tusa ai foi ma le galuega o lea ua taoto i le Laulau-a-Fono la outou Lipoti. Ma ua i ai le talia i le tulaga atoatoa o le fofola atu o le fuafuaga a le Minisita o Tupe mo le tatou Tala Faaopoopo Muamua.

Lau Afioga i le Fofoga Fetalai, o le a ou amatamea atu ia i felafolafoaiga i le itu o le tali atu a le Malo. E le tele naua ni fesili sa agai mai i matata ma matafaioi o lo o i lalo o lau vaaiga. I le tulaga aoao e i ai lava nisi o sui usufono sa saunoa aua le tapenaga a le Malo mo le tatou taligamalo ia Oketopa, o Taitai o Malo o le Taupulega po o le CHOGM, aemaise o le itu i le saogalemu aua o le a faapea ona afifio mai Taitai o Malo, aemaise foi le afio mai o Lana Maiesetete ia Salesa le Tupu o Peretania a o le Faauluuluga foi o Malo o le Taupulega. O lana fonotaga muamua leni o Taitai o le Taupulega talu ona pale mai i lona tauaveina o ona tiute i le tuumalo o le Tupu Tamaitai ia Elisapeta. O lona uiga mo lana Afioga i le Tupu o se feiloaiga taua foi lea i lona tulai mai aemaise o ia o le Faauluuluga o Faigamalo o le Taupulega.

Lau Afioga i le Fofoga Fetalai mai le la lava tausaga ua faatulaga tatou Komiti galulue i vaega eseese e nafa ma le tatou tapenaga, e aofia ai ma le itu o le saogalemu o lo o taimua ai le tatou Matagaluega o Leoleo. Ou te manatu o se tasi lea o Komiti galulue na vave ona amata ma le faapai mai foi o Malo o le

Taupulega i la latou foi silasila mo le saogalemu o le afifio mai o latou Taitai. Ma ou te manatu ua tele lava le gaoioiga ma le galuega a le tatou Komiti lea ma le galulue faatasi ma tatou paaga faale-Malo ina ia faamautinoa le saogalemu o le afifio mai o usugafono.

Lau Afioga i le Fofoga Fetalai, e le toe mamao pe o se tatou feiloaiga pito lata mai o le Palemene o le a fofola atu ai se ata o le tatou fuafuaga e taua mai i le muamua ona faagasolo mai i le Kapeneta o ia tapenaga ia ma faapena ona faaoo mai i luma o le Palemene mo lo outou silafia.

Lau Afioga i le Fofoga Fetalai, o se tasi o mataupu sa laga e sui usufono o le itu lea tau Pulega po o Governance ma o lo o fesiligia ai vaegatupe faaopoopo mo le Pulega Faaletonu, i Ofisa o Minisita ma Ofisa o Minisita Lagolago. Lau Afioga i le Fofoga Fetalai o le afifio o lau Afioga ma le Palemene leni o le isi vaega lea o Mataupu Tau Pulega, Governance. O le Pule Faatonu, o le isi vaega lea o lo o taulamua pe taimua i fuafuaga a le Malo aemaise o le faatinoina o ana faiga faavae.

O lo o maua le agaga o lo o momoli mai e sui usufono o le Maota i le itu... a ou faauigaina; pe ua le mafatu le faamuamua o lo o ave i Pulega pe ua le tatau... ia po o le upu sa faaogaina ina ia tatou ositaulaga ma faamama avega i tupe o lo o vavae pe faaagaaga mo Pulega. Lau Afioga i le Fofoga Fetalai e taua lava finagalo o sui usufono ma o lea foi ua maua atu e le Malo ia mau, ae ao ona ou faamanino ma faamalamalama i luma o le Maota. O Pulega e tele lava le faamuamua a le Faigamalo leni, aua o le matafaioi lea e feagai ma tatou nei, e filifili mai e le atunuu e faia tonu. E tatou te tuliloa fuafuaga, e i ai foi lava le matafaioi a le Palemene e pei foi ona tatou molimauiina ai Lipoti a Komiti eseese o lo o faapea ona taatia mai i totonu o le Maota. E tofua tatou ma le matafaioi i itu tau Pulega.

O fuafuaga la o faiga faavae, o lena ua fofoga foi le atunuu i nisi o fetuunaiga o matafaioi a le Kapeneta i Minisita, ia, ma le faaopoopoina o Minisita e toalua. O le mafuaaga lau Afioga i le Fofoga Fetalai ona e moomia. E mafai ona ou tautala faapitoa i Matagaluega faaopoopo pe a, ina ia manino ai foi le faafofoga a le Maota tainane le atunuu i mafuaaga ua faapena ona faaopoopoina ai tulaga faa-Pulega i totonu o le tatou faigamalo.

Lau Afioga i le Fofoga Fetalai, o matata faa-Matagaluega ua faaopoopo o le tatou Matagaluega fou o Taaloga lea ua vaea ese mai i le Matagaluega o Aoga lea sa masani ona nonofo ai lea galuega a le Malo.

O se vaaiga aoao, ma ou te iloa o se tulaga foi sa faatalanoaina i isi foi Paeaiga talu ai, pe le ua tatau ona tuu le vaega o taaloga i se isi Matagaluega, pe tuu toatasi. O lau Afioga i le Fofoga Fetalai, o le tele ia o le tupe galue – investment a le Malo ua tuu i totonu o taaloga. A outou silasila i tatou malae ia e faavae i Faleata, ia, o le ata lava lena o se tasi o vaega tele o tupe galue a le Malo mo a tatou taaloga.

O lea e le i mamao tele atu Taaloga a le Pasefika sa auai atu i ai tatou ausii. E avea foi leni avanoa e momoli atu ai le faamalo i ausii eseese sa faapena ona fai ma avefua a le tatou Malo, e maeu foi le taumafaiga i le tulai mai o le faitauaofai o pine o ia taaloga sa mafai ona ausia e le tatou Malo. Ae i tua o le masii o tatou au nei, e le gata mo taaloga lea na ou taua, a o isi mau taaloga, o

lo o faasolosolo pea i vaega eseese o le tausaga, e faapena foi le tele o le tupe a le tatou Malo o lo o tuuina atu i lea vaega. Ae vaai atu lava, e ui i le tele o le tupe ua tatou tuuina atu e faafaigaluega i mea tau taaloga, e le o mafai ona tatou maua le atoatoa o le faamoemoe mo taaloga i ona vaega eseese aemaise le au taaalo, o Faalapotopotoga o lo o feagai ma Pulega o ia foi taaloga.

E le natia ma e atonu o lea lava e silafia e le Maota, o le tele o tatou ausii o tatou alii ma tamaitai taaalo o i latou ia e fili mai fafo. O le fesili; a faapea ua alu a tatou tupe nei faafaigaluega mo taaloga, ma o le isi alaoa lea mo le atunuu ma faaogaina ai a tatou fanau talavou ae tatou te faamoemoe i e tatou te maua mai atunuu mamao, o le fesili; o le a le mea lea e tupu i le atinae o taaloga i totonu lava o Samoa ia?

Ou te iloa o le toatele o tatou tatou te malaga i totonu o le Pasefika, Niu Sila ma Ausetalia. Ia, tautala ia ia Fiti aua e aupito latalata mai ia tatou. A e malaga i Fiti, a e fealuai i Fiti, po o le va o Suva ma Nadi, e te vaaia pea malae taalo, taaloga o lo o faatino i aso faipea. E tele le maopoopoga o Faalapotopotoga e pulea taaloga. E i ai luitau e pei foi ona i ai tatou luitau, a o le vaaiga i le lautele o le atunuu, e taaalo tagata Fiti, e taaalo o latou talavou, e te vaaia. A o le mea lena, e tau le vaaia ia tatou. Ona ou fesili lea; o fea la le mea lea e faatino ai le atinae o taaloga i tupe ia e faaalu? E fai o taaloga, a o isi itu taua tatou te maua mai i taaloga, le malolosi, le malosi o le tino, le aoaoina o au i le pulea lelei o le faatinoga e le gata i a latou taleni, ae faapena foi Pulega ma le faamaopoopoga o tatou Faalapotopotoga.

Ina ne i te i ua umi sau faamatalaga lau Afioga i le Fofoga Fetalai, ua leva lava ona tatou iloa, o le isi taleni o le isi meaalofa lea a le Atua mo tagata Samoa, o tino malolosi. Ma ua mafai foi ona tatou faailo lena mea i taaloga eseese ua oo atu i ai a tatou fanau. Ae paga lea, a tatou faamaoni i le vaaiga o mea o lo o i ai taaloga i totonu o le tatou atunuu, e le o tupu, e tatou te faamoemoe i fafo e aumai ai a tatou tagata taaalo. O le a la le uiga? Ia, lau Afioga i le Fofoga Fetalai, e tele lava alamanuia e i ai i lalo o le vaaiga lautele mo taaloga, ia ma le upu foi lea faa-Peretania o le recreation, faafouina o le malosi. E fesootai foi ma isi alaoa o le atunuu, pei o tagata tafafao mai. A mafai ona tatou talimalo i taamilosaga o taaloga, o le isi alaoa tele lea mo le tatou atunuu, e faaoga Faleata i le mea ua alu i ai a tatou tupe ia tatou toe maua mai faamoemoega ma taunuuga na i ai i le tatou vaea o tupe e tele e faapena ona faatupu ai le tatou atinae lea. Tau o se faataitaiga lena lau Afioga.

O isi tulaga fou o le fetuunaiga o matafaioi a le Kapeneta, o le tuutasi lea o le Matagaluega o Faalapotopotoga a le Malo po o le MPE. Lau Afioga i le Fofoga Fetalai, e lua lava faamalu tetele e galueaiina ai le tautua a le Malo i le atunuu, o le tatou Komisi e pulea le afaigaluega a le Malo, lea e i ai i lalo o le faamalu o le tele o tatou Matagaluega.

I le faatulai mai o le Matagaluega lea o Faalapotopotoga a le Malo, ua leva lava ona taumafai mai lea ituvai o lo o faatino le tele o le auaunaga mo le atunuu. O le Matagaluega lea o Faalapotopotoga a le Malo sa tuufaatasi i lalo ma le Matagaluega o le Leipa. Ae peitai, i le vaaiga a le tatou faigamalo i ana faiga faavae, e ao ona poupu ma faamalosi lea vaega o le Malo o lo o momolia auaunaga le MPE, ona e faapena foi le tele o tupe faafaigaluega a le Malo mai

ia mau tausaga e tele ua tuuina atu i tatou Faalapotopotoga ia. Ma e manaomia le tulai mai o ia Faalapotopotoga e le gata ina ia faatino i se faatinoga aupito sili auaunaga mo le atunuu, a ia faapea foi ona fai ma alaoa mo le Malo i le tuuina mai o tupe faasili e fesoasoani ai i le tatou Tala o le Tupe faasoasoa mai lea tausaga i lea tausaga.

E lua vaega lau Afioga i le Fofoga Fetalai e momoli ai auaunaga a le Malo i le atunuu. O Matagaluega i lalo o le PSC ma Faalapotopotoga i lalo o le MPE. O le pale mai o le faigamalo lenei, e mafai lava e faigamalo mai lea taimi i lea taimi ona talanoa i faiga faavae, tuliloa le faatinoga o galuega, a o le faatinoga o galuega o le aufaigaluega. O le aufaigaluega i lalo o le PSC ma le aufaigaluega i lalo o Faalapotopotoga o lo o i lalo o le faamalumaluga a le Faalapotopotoga a le Malo po o le MPE. O le itu la lea lau Afioga i le Fofoga Fetalai lea ua vaea ai ma ave ma Matagaluega tutoatasi pe tumaoti le tatou Matagaluega fou lea. E fou lona tutoatasi ae le fou i lona tulai mai o le MPE.

Atonu o le isi itu taua e ao foi ona manino i ai le Maota i mataupu lava tau Pulega, o le toe faavaeina lea o se Matagaluega e tuutasi i ai eleele uma o le Malo. E pei ona silafia e lau Afioga ma le Maota, e tolu itutino o le Malo o lo o i ai vaaiga o eleele o le Malo, o le Matagaluega o Punaoa Faalenatura ma le Siosiomaga, o lo o i ai le Land Board, o lo o i ai le STEC po o Esetete Tausi, o lo o i ai foi le Samoa Land Corporation, a ua i ai se vaaiga a le tatou faigamalo, e ao ona faamaopoopo uma mai eleele o le Malo i se faamalu e tasi. Ma o lea ua faavaeina ai ma tapena le Matagaluega o Eleele e faapena ona silasila i lea foi aseta taua a le tatou Malo, o ona eleele.

Lau Afioga i le Fofoga Fetalai, i le faatulaga o ia mea i le faagasolo o le ogatotonu o le Tala o le Tupe, lea ua feagai nei le Maota ma le Tala Faaopoopo Muamua. O le agaga lau Afioga i le Fofoga Fetalai, faataatia le faiga faavae, faataatia ma sailiili lelei le faatinoga o ia fuafuaga ma faaoga vaega o Matagaluega lea o lo o i ai nei, pei o le Matagaluega o Aoga lea sa i ai taaloga, i le vaea mai o ia vaega mo le Matagaluega fou. O le agaga, e tapenapena atu mo le Tala o le Tupe o le tausaga fou 2024/2025, a o le faavae ua faataatia i le vaitau lenei, ma tapenapena malie ina ia oo atu i le tatou Tala Autu lea o le a tatou oo atu i ai, ua mafai ona manino ona fofola mai fuafuaga o tupe e faagaioio ai ia faiga faavae faa-Pulega a le tatou Malo.

Lau Afioga i le Fofoga Fetalai, i le itu o le ositaulaga, pe tatou te vaavaai o a itu e faamama ai tupe. A tatou talanoa i mea tau Pulega, e mafai lava ona tatou amata atu iinei. Sa ou malaga i Amerika ou ui mai ai i le Setete lea o Utah, na ou maua lea o le avanoa e talatalanoa ai i le faigamalo a le Setete lea, ona ou maua ai lea, o le Setete lea o Utah, o ona faipule faitulafono, e galulue faavaitaimi, e o e fai lava a latou galuega, ae i le latou valaaulia o sui o le Setete ma fuafua i fonotaga e fai i Tulafono Tau Faaofi, faatoa omai lava i le taimi e fai ai mea ia. E eseese lava auala i faigamalo ma Pulega e vaavaai i ai i le mataupu lea e i lalo o manatu ia. Po o le a le taua o le Pulega, po o le a le tau e tataua ona ave iai, po o le a le fua. E i ai foi isi mau o lo o aumai mo tatou i Samoa i le 51 o itumalo po o sui usufono, e i ai se isi mau e faapea, a fua i le faitauaofai o tagata o Samoa e matuai ova lava le fuainumera o tatou sui usufono pe a faatusatusa i isi faigamalo. Ia, ou te le faapea atu lau Afioga i le

Fofoga Fetalai, po o le a le sao, po o le a le sese. Ae o mea ia, ma e taua ai foi le lagalagala mai e le afioga i le sui usufono o le itu o le tatou faamamaavega ae i le itu lava o le Pulega. Ona o le Pulega, o le mea lena e fitoitonu ia tatou nei e filifili mai e le atunuu. Ina ne i te i la ua faapea mai, e leai o le Vasega a le Kapeneta ma Minisita Lagolago. Ae mafai foi ona faapea atu, leai, e ono faapena foi i totonu o le Maota lena i sui usufono. Pe mafai foi ona tatou faapea, ae a le afaigaluega a le Malo. O le a le fua o le toatele? A o le a le fua o le taunuuga o lena toatele? O fesili uma ia e feagai ma tatou o lo o i ai i totonu o Pulega aemaise o Pulega Faatonu.

Lau Afioga i le Fofoga Fetalai, ou te faafetaia le lagalaga mai o ia mataupu aua o mea ia tatou te mafaufau faatasi i ai, ae o lea ua ou tulai atu i le agaga faaloalo e ootoina atu faiga faavae a le tatou Malo lea ua i ai tupe faaopopo mo tatou tofi ma Faalapotopotoga ua faaopopo aua le pulea lelei o galuega a le Malo.

Ia, lau Afioga i le Fofoga Fetalai, ia ua lava ia sia faamatalaga mo matafaioi o lo o feagai ma au ae o le a faasolosolo atu afioga i Minisita... A i ai foi nisi itu e fesoasoani atu ai, ae o le faamoemoe ou te manatu ole tele o mataupu ua tali foi Minisita e ui atu i mataupu i faauilavea. Manuia laasaga o lena aso. Manuia lau Afioga i le Fofoga Fetalai.

FOFOGA FETALAI: Ua faamalo malele. Malo foi le saunoa i lau Afioga i le Taitai ole Malo, lau Afioga i le Tamaitai Palemia. Atonu foi o lea ua faafofoga ma le totoa le paia o le Maota aemaise foi le faafogafoga mai a le atunuu i tulaga foi o le taitaiga o le faigamalo aemaise foi o faiga faavae aua lava le agai i luma ma le manuia lautele o le atunuu. O le mea lea, ia malo faafetai mo le saunoaga. Ia e talitonu, ia o lea ua tele lava itu sa lagalagala foi e nisi o sui usufono... o lea ua manino lou finagalo. Ia e faatasi ai foi ma le fesoasoani mai o sui usufono mamalu aua lava le poupouina o le agai i lumanai o le tatou faigamalo. O le mea lea malo faafetai, malo le saunoa.

Ia, o le avanoa lea o lau Afioga i le Minisita o Faatoaga ma Faiga Faiva.

Afioga Sulamanaia Fetaiai Tauiiili Tuivasa (Vaimauga 1): Lau Afioga i le Fofoga Fetalai, pe maua se avanoa?

FOFOGA FETALAI: Ia, e i ai se tulaga e... E te le o faamalieina lava i le tali a le Palemia i le ositaulaga? Ia saunoa mai...

Afioga Sulamanaia Fetaiai Tauiiili Tuivasa: Ia, o le tulai atu e momoli le agaga faafetai i le malelega a le afioga i le Tamaitai Palemia po o le Taitai o le Maota ua saunoa ai ma malele foi i lena taeao ona o le taua o le manatu o lena itumalo. E momoli le agaga faafetai pei o le agaga o lena itumalo, e avatu le tuualalo... o le agaga lena sa manatu i ai ona o le tulaga nei tatou te i ai o le Supplementary, a o lea lava na saunoa malamalama le afioga i le Tamaitai Palemia, ia o le mea autu lea... pei a faapena se manatu. E le toe mamao le Main Budget ae pei e faapena le lagona i le Supplementary a o malele le afioga i le Tamaitai Palemia. Ia ua matua faamalieina lena itumalo i le saunoaga a le

afioga i le Tamaitai Palemia. Ma lou agaga faaaloalo lau Afioga i le Fofoga Fetalai.

FOFOGA FETALAI: Malo faafetai. Faafetai mo le finagalo faaalua o le sui usufono mamalu. Ia lea ua faamalievina lona finagalo. Ia malo lava faafetai. Lau Afioga i le Minisita o Faatoaga ma Faiga Faiva.

Susuga LAAULI LEUATEA POLATAIVAO FOSI (Minisita mo Faatoaga ma Faiga Faiva): Faafetai i lau Afioga i le Fofoga Fetalai mo le avanoa ua tuuina mai i lenei Matagaluega aemaise foi o le tali atu i le fonousu aua manatu na laga, E piama le taofi i le faafetai ma le faamanu i le Atua ua tatou momoli ai lapalapa o malo i lenei taeao e sula Lona alofa ma Lona agalelei. Ailao afua le Atua tumau pea ia te Oe le viiga, le faamanu ma le faaneetaga. Ua faafofoga le tatou Maota aemaise foi o le tapuai mai a si o tatou atunuu.

Ae ua ou tulai lau Afioga i le Fofoga Fetalai leaga o lea ua maea ona faataatia le alafua o le Tali a le Malo. Ae ua ou tatalo ma le agaga faaaloalo i lau Afioga i le Fofoga Fetalai, malie afenoa lou finagalo o le a gona le tali a lenei Matagaluega o le a se i ai se taimi ae le i malele le Minisita o Tupe e tali faaiu ona avatu lea o se matou tala. O lo o tapena le faamoemoe, e le faigofie manatu ma lagona na laga e sui usufono ae o nai mea itiiti lava ia ou te le manao e ave ae le ave ma le atoatoa.

Ole tatalo lea i lau Afioga i le Fofoga Fetalai o le a faasolo le Tali a le Kapeneta. Se taimi ona saili lea o sou avanoa i se taimi ae le i oo i le saunoaga faaiu a le Maota. E faamalulu atu ai i lau Afioga ma le mamalu o le Maota, ua ou manatu ou te tatalo atu ma lou agaga faaaloalo. Manuia le fonousu o Samoa i le aso.

FOFOGA FETALAI: Malo faafetai. Ia, e talitonu foi le Nofoa o le faamoemoe foi lona o le Nofoa ma le paia o le Maota ina ia atoatoa foi tali aemaise foi o faamatalaga i mataupu sa laga e sui usufono mamalu o le Maota ma sui usufono o le atunuu. O le mea lea, ia faafetai, faafetai mo le tofa ae o le a faapena ona fai.

Ia, tulai mai lau Afioga i le Minisita o Faatoaga... oi Galuega Tetele o le tatou Malo.

Susuga Hon Tuilaepa Fatialofa Auelua Sailele Malielegaoui (Taitai o le Itu Agai): Lau Afioga i le Fofoga Fetalai, ou te fia tulai atu lava i se mataupu taua tele...

FOFOGA FETALAI: Ia, sei tulai maia, e i ai se mea o...

Susuga Hon Tuilaepa Fatialofa Auelua Sailele Malielegaoui: Ioe, ou te fia fesili atu i lau Afioga mo se faamalamalamaga. O mataupu faapenei, o lea ua saunoa le Palemia i le faasologa o saunoaga, o lea foi e faafogafoga atu lenei itu o le Maota. O le maitau i tulaga faapea, o le Palemia e sau ai le... sa tatau

ona fesili le Minisita i le Palemia mo se faatagaga faapea e le tau fesili i lau Afioga. O le mea la lena o lea ua ou tulai atu ai po o le a le tulaga i sau faatatau i le faasologa ma tatou mataupu i lalo o Tulafono Faavae ona o le matafaioi lava lea o le tolo po o le galuega a le Kapeneta e i le Palemia.

FOFOGA FETALAI: Ia, o lea ua maua le finagalo o le Taitai o le Itu Agai. Se i tulai mai lau Afioga i le Tamaitai Palemia.

Afioga Fiamē Naomi Mataafa: Lau Afioga i le Fofoga Fetalai, o le pule lava o le tatou Maota Fono o lau Afioga. Ae a faapea ua i ai se taofi o le Taitai o le Itu Agai i le faagasologa o galuega a le Kapeneta, ia malie lou finagalo e tauala atu i le Nofoa, e leai e faigofie lava le matou Kapeneta. Ma o lea lava e manino le finagalo faaalua o le Minisita o lea e tau talia nisi faamatalaga faaopoopo. Ia, e le o se mea e oti ai se isi lau Afioga le Fofoga Fetalai. Manuia le tatou Fono.

FOFOGA FETALAI: Ia, ou te talitonu lau Afioga i le...

Susuga Hon Tuilaepa Fatialofa Auelua Sailele Malielegaoi: Ia ua manino foi le mataupu. Pei o le mea lena lea sa... e faigofie lava...

FOFOGA FETALAI: Malo faafetai. Ia o le ala foi lena o le. Ia malie lau Afioga i le Minisita o Faatoaga lea o le a fai atu le tala a le Nofoa. O le pule atoatoa lava o le Maota lena o le Nofoa, lea lava e faafoefoe atu ai le tatou galuega. Ia o tulaga e pei ona i ai... ia o mea faapena e fetuunai lava i le taua ma le manuia lautele o le atunuu aemaise ia anoa foi saunoaga ma tali e tuuina mai i totonu o le Maota.

O le mea lea, o lea ua tali manino le afioga i le Tamaitai Palemia, o tulaga na... lea foi ua fai atu le faaiuga a le Nofoa. Ia malie lau Afioga le Minisita o Faatoaga, aua e te popole o lea lava e i ai le taimi o lea ua tuuina atu e le Nofoa e te saunoa ma... aua le faatinoina foi o lou tiute faa-Minisita o le Matagaluega. O le mea lea, ia lea o le a faagasolo tatou galuega.

Ia lau afioga i le Minisita o Galuega Tetele tulai mai lau Afioga.

Tofa Hon OLO FITI AFOA VAAI (Minisita mo Galuega, Felauaiga ma Atinae Eseese): E faafetai atu i lau Afioga i le Fofoga Fetalai mo le matou avanoa. Leai, o le a le pasia le polo lea o le a ou alu atu loa au ia lau Afioga. E faatalofa atu ai i lau Afioga i lena taeao fou. E faatalofa atu i lau Afioga le Tamaitai Palemia ma le Kapeneta, lau afioga foi i le Taitai o le Itu Agai ma le Sui Taitai, le mamalu o Minisita Lagolago faapea foi le maualuga o sui usufono mamalu uma o itumalo, le tatou Palemene. E faapena foi ona faatalofa atu i lau Afioga i le Failautusi ma le Sui Failautusi, le mamalu i Ofisa Sili o Matagaluega ma Faalapotopotoga a le Malo. Faamalo le soifua manuia i lena aso ma lena taeao fou. Ou te manatu lava ma... ua tatou talitonuina ma tatou molimauina le mamalu ma le matagofie o le Atua i lena taeao fou, o lea ua taitai mai ai lo outou soifua ua tatou feiloai i lena aso i le faaauauina o tatou galuega i magafetausoifua. Ia, tatou viia ai Lona agalelei.

E faapea foi ona ou faatalofa atu i le paia o si ou itumalo o lo o taputapu mai. E le gata foi i lena o le lavalaoa o tupu ma ee o paia maualuga o Samoa i soo se... i ona tulaga faalupe e tapuaia faiva o le tatou Palemene nei aua le tatou sailigamalo mo le lumanai o Samoa.

Ae ua ou tulai atu i lau Afioga i le Fofoga Fetalai se i talitali foi nisi o finagalo faaalua a sui usufono mamalu. Ma e i ai lava lou talitonuga o le tele o mataupu sa laga sa faapena ona ou tali atu ai i le taimi o le tatou felafolafoaiga. Ma e i ai lava le manatu o le a le umi foi se matou tala.

Lau Afioga i le Fofoga Fetalai, na o le pau lava lea o se vaega e ao ona ou taumafai e faamanino atu, lea foi ua saunoa le afioga i le Tamaitai Palemia, i a tatou tapenaga ma sauniga mo le fonotaga lea e talimalo ai le tatou atunuu ia Oketopa. E silafia e lau Afioga ma le mamalu o lenei Maota, e moni lava o lo o faaagaaga se seleni e fuafua i a tatou tapenaga, ae i ai lava le manatu o lenei vaega po o lenei foi aiga e le o lava ai foi le matou tapenaga. E silafia foi e lau Afioga ma le mamalu o le Maota, ia o lo o taumafai ia faauma tatou auala nei... mai Faleolo e agai mai i Apia. Ma o lena foi auala e pei ona ou taua i se fonotaga ua mavae atu na i ai fesuiaiga, fesuiaiga faaopoopo mai Malua agai i le malae vaalele. Ia o le fesuiaiga lena o le ta faalamolemole o le tatou auala sa nafa lena... ma o lo o nafa ma le tatou Malo le suiga lena. Na amata mai e na o le ta foi lea vaeatu lava le paia o le Maota e i le maa foi lea o le tip seal po o le maa talatala ae sa i ai le finagalo o le afioga i le Tamaitai Palemia ma le Kapeneta ma le tatou Malo o le a faamolemole i le ta Amerika foi lea o le asphalt. O le variation lena ma le suiga lena o lo o faatupe lava e le tatou faigamalo tulaga na. E le gata foi i lena e uma agai mai le tatou galuega o auala lava ia i totonu o le taulaga ma le talafatai o Apia, o le a faapena foi ona faaoga ai le tatou asphalt lena ina ia faamatagofie ai le tatou tapenaga ma tulaga uma o le tatou fonotaga lea o le a alo atu i ai. Aua e pei ona silafia e i ai lava le tulaga foi lea e tatau lava ona ave le tatou faamuamua i le fonon leni ina ia taape atu atunuu o lo o o ma se tala fiafia ma le tulaga o le tatou tapenaga, ina ia aua ne i i ai se tulaga foi lea o le musua o turisi foi ia e agai mai ae avatu se tala i le aulelei o Samoa ma le latou tapenaga. E oo foi la i le EPC lau Afioga i le Fofoga Fetalai, o lo o tapena foi le EPC. O le tele ia o latou foi fuafuaga i le tulaga foi lea ia mautinoa ia aua lava ne i motusia le eletise a o faagasolo le fonotaga leni. O lea foi la sa aumai ai ni afi se 4 e faaleoleo i le tatou tapenaga ia a uma foi ona avatu loa o le isi lua e faaoga e le tatou motu tele i Salafai lea e fai ma motusia ona ua tuai a tatou afi o lo o i ai. O le tulaga foi lena, e faapena foi le tatou suavai lau afioga i le Fofoga Fetalai ua iai foi nisi tatou poresoles ua vili lata mai i totonu o le tatou taulaga ina ia mautinoa foi, aua nei motusia le tatou suavai ina ne i te i ua i ai se hotel e faaletonu ai le suavai ona faapena foi lea ona faasea ma tauvaea ai foi le tatou atunuu pe a i ai se faaletonu i le tulaga lena.

I le tulaga o le security a le tatou Malo o lo o nafa lea ma le tatou Samoa Port Authority e faapena foi le Airport Authority, e pei o tatou main entries a ia o lo o ave ai lava le tatou faamuamua i tapenaga a le Airport Authority ma le tatou Uafu, i le tulaga lava lea o le saogalemu ma o i latou foi ia e muamua faaali i ai le tulaga o Samoa pe a taunuu mai a tatou Malo, ia o lo o manaomia foi le tulaga

tau tupe e faatino ai nisi o vaega. O le mea lea ou te faamalulu atu ai ou te iloa foi e i ai manaoga o lou itumalo lau afioga i le Fofoga Fetalai faapea foi le mamalu o le tatou Palemene, ia malilie o le a ave le tatou faamuamua i le tatou tapenaga. E tele taimi e mafai ai ona faatino tulaga o manaoga e pei ona faaalua, a ia aua lava ne i o tatou faatamala i le tatou tapenaga lea mo le tatou fonotaga e pei ona i ai.

O lea ua saunoa manino le afioga i le Tamaitai Palemia o lea foi sa taua foi e nisi o sui usufono o le tatou Itu Agai. Faafetai o le a tatou ositaulaga i le 8 masina lenei aua o Oketopa ou te iloa o le 8 ai na o masina ae tatou ositaulaga ma tatou tatalo faatasi ina ia taunuu manuia lo tatou faamoemoe. A maea lena ona tatou foi lea i tua o le a fai uma lava mea ia tou te finagalo i ai ma tou tatalo mai ai, a o le agaga foi o lenei Vaega ia mautinoa lava e leai se faaletonu o le tatou tapenaga.

O lea ua saunoa le afioga i le Tamaitai Palemia i le faamoemoe o le tatou Malo i le tatou Ministry o le MPE, e le iloa pe oo atu i le taimi lena ua sui le Minisita ia ona outou talosaga mai lea i lo'u uso a Minisita e nafa ma le tatou fuafuaga lena. Ae faapena se lagona lau Afioga i le Fofoga Fetalai e pei ona ou fai atu o le tele o mea ua uma ona ou tali atu ai ae le tuua ai lava le tatou feiloai i le tatou Ofisa i nisi mea pe a fua atu o lava se seleni faapitoa mo lenei foi vaega.

Ona faamuli ai lea o sau tala lau afioga i le Fofoga Fetalai e momoli atu ai se faafetai tele lava i lenei Pulega i le sector lenei a le Ministry of Work o le Transport ma le Infrastructure, i la outou galuega e le o lilo i le silafaga a le Atua la outou galuega e faapena foi i le silasila a sui usufono uma o le Maota la outou galuega e fai i le ao ma le po, e le faigofie. Ae faafetai i la outou tautua e le faalogologotiga.

Ae faapitoa lava sau faafetai lau afioga i le Fofoga Fetalai, i Ofisa Sili o Pulega o lenei Pulega sa nafa ma le taitaiga o nisi o Pulega i le afioga ia Silimanai Ueta Solomona sa taitaia le tatou Pulega o le Malae Vaalele. Lau Afioga o Silimanai ua avea nei ma Pule Sili i le PASO po o le Pacific Aviation Security Office ia o lo o base nei i Vanuatu. Ma e tasi lenei tulaga maualuaga o le Pasefika o lea ua taitai ai Samoa i le taimi nei. E faapena foi le afioga ia Galumalemana Titi Schwalger ua ta fiu lava e vavao atu ae ou te iloa lava o lo o i ai ni fuafuaga o lo o silafia foi e le afioga ia Galumalemana mo le manuia o lona aiga. Ma e momoli atu ai le agaga faafetai tele i le lua tautua ua afulelea le lua tautua i totonu o le tautuaina o le atunuu, ua fai foi si umi, faafetai tele. E le o puaoa foi i le silafaga a le Atua le agaga sa ia te oulua, ia malo faafetai le tautua aua se manuia o le atunuu.

Ia e faapena foi o lo o taoto foi a oulua fuafuaga i totonu o le tatou Sector lenei ma le tatou Malo ma o lea lava e faaauau le tomai e pei ona oulua galulue ai mo le tatou Malo ma le tatou atunuu. E pei o se matou tala lea lau Afioga i le Fofoga Fetalai e faaiu atu ai. Ia manuia tele lau Afioga ma le mamalu o lenei Palemene. Faafetai.

Tofa Hon Lautafi Fio Selafi Purcell (Satupaitea): Lau Afioga i le Fofoga Fetalai...

Tofa Hon Lauofo Fonotoe Nuafesili Pierre Lauofo (Anoamaa 2): Lau Afioga i le Fofoga Fetalai. Malie lou finagalo...

FOFOGA FETALAI: Ia ua faamalo saunoa i lau afioga i le Minisita o... onosai mai se i fai le tala a le Nofoa.

Tofa Hon Lauofo Fonotoe Nuafesili Pierre Lauofo: Ia ua lelei...

FOFOGA FETALAI: Malo faafetai le saunoa i lau afioga i le Minisita o Galuega Tetele, malo foi le... Ia o le tele lava o mataupu sa laga e le tatou Maota o lea ua maea ona tali i ai lau Afioga. Ia malo lava le galulue faafetai foi mo le tali malamalama. O lea e tau sue atu le suafa o le Sui Taitai pe o i ai i totonu i...

Tofa Hon Lauofo Fonotoe Nuafesili Pierre Lauofo: Ia e pei o le mafuaaga lena lau Afioga, o lena e maua i lalo o le EPC. Se i silasila ane faamolemole. E tasi lava le fesili lau afioga...

FOFOGA FETALAI: Ia sei fai lau... Ia saunoa ia lau afioga i le Sui Taitai.

Tofa Hon Lauofo Fonotoe Nuafesili Pierre Lauofo: Leai ona lea sa talanoa i le tulaga i mataupu ia sa laga e isi sui usufono, ae pei o lau afioga i le Minisita e pei o lea e maitau ua tele na fai ma pepe a tatou moli auala ia e i le itu auala lea agai i le itu sisifo. Ae i ai foi isi aso i lena foi vaiaso na tuana'i atu na pe atu lava moli i i e tau i le itu Aana. Ae pei o vaega ia, a o se matou tuualalo ma le fautuaga ia e lototele o lea matou iloa e mamafatu le avega ae aua e te faamavae, aua e te faamavae se i faatino au galuega. O lea foi ou te tau faalogo atu pei se lauga faamavae lea na tau lauga mai ai le Minisita ae faafetai mo galuega lelei...

FOFOGA FETALAI: Ia o le avanoa lea ua tuu atu e le Nofoa. Ia... e ui a e te le i lagalaga ia mataupu i le taimi na e saunoa ai a o le alofa atu lava ma le vaai atu. Ae tatou agai i tatou Tulafono Tumau ma agai tonu i le tatou... ina ia faapena ona faigofie le tatou galuega, ia lea ua oo ina e faatonu le Minisita e faamavae. Ia e le o se mea lena a lau afioga o lea e i ai le afioga i le Palemia ia ua tele lava le faaletonu. Se i tulai mai lau afioga i le Minisita ia ae mo le faasoina o le taimi o lau afioga, se i tulai mai le sui usufono mo Satupaitea.

Afioga Hon Lautafi Fio Selafi Purcell: Faafetai lau afioga i le Fofoga Fetalai mo le avanoa, ia faafetai i le Afioga i le Minisita mo le tau laulauina mai o ana galuega o lo o fail. Faafetai. Ia fai ia lelei, aua o matou i Savaii e na o le pe pe o le power. Ua ou tulai atu ona o lea e laga le mataupu lena e uiga i tapenaga leaga o lea sa ou lauga ai lava i mataupu uma, ia lelei le tatou tapenaga o a tatou taligamalo.

Ae na ona ou faafesili atu lava i lau Afioga ona o lea e te taua le faaleleia o auala ia e alu agai le Malaevaalele ioe lea ou te iloa aua ou te alu soo lava i

Savaii, manaia, ia ota sau mai o agai totonu le taulaga. Ua maua foi le tala atonu ua faamaonia o le afioga i le Tupu o le tatou Commonwealth le afioga ia Salesa lea e faapea e nofo i tua i le Sinalei. O lau faafesili la; o i ai ni tatou tapenaga faapitoa foi lele aua e le taumate le auala lea alu atu i Vailima, atonu o le auala lena o lea o le a faaaoga i aso uma e feafioai ai le afioga i le Tupu. Ona o lea ou te le o faalogo atu o tau mai faapea mai, ae o lea e silafia e tasi lena auala e fai lava si faaletonu. Na ona ou faafesili atu pe o i ai i lau fuafuaga ia tulaga. Ma le faaaloalo lava lau Afioga.

FOFOGA FETALAI: Ia tulai mai lau Afioga i le Minisita.

Afioga Sulamanaia Fetaiai Tauilili Tuivasa: Lau Afioga i le Fofoga Fetalai mo le fia faasaina o le taimi o le afioga i le Minisita.

FOFOGA FETALAI: Ia malie lau afioga i le Minisita se i tuu atu le avanoa e tasi lea i le...

Afioga Fuaava Suluimalo Amataga (Aleipata Itupa i Luga): Lau Afioga i le Fofoga Fetalai pe maua foi se avanoa faamolemole.

FOFOGA FETALAI: Ia se i tulai mai lau afioga i le sui usufono mamalu mai le Vaimauga 1.

Afioga Sulamanaia Fetaiai Tauilili Tuivasa: Lau afioga i le Fofoga Fetalai, o le tulai o lenei itumalo e momoli le agaga faafetai i le afioga i le Minisita, ua maua foi ua toe faamanuiaina foi nisi o Ofisa Sili o lana Matagaluga e ala i le SPA aemaise foi o le EPC. E momoli le agaga faafetai. E maitau lava i lenei foi Minisita o lo o galulue faatasi ma ana Pulega aemaise foi o ana aufaigaluga. E momoli foi le agaga faafetai a lenei itumalo i le ta auala galue i Fagalii ia o lo o momoli mai lava le agaga faafetai o si o tatou itumalo.

A o le faafesili sa tuuina atu i le taimi o le Paeaiga sa i ai foi Papalii i le tatou malaevaalele lea sa toe talosaga atu ai i se tupe foi lea mo le uu o le vaalele ia ma le kasa, e pei o le agaga lena lea sa avatu. O lea foi ua e saunoa i lenei taeao i le tatou ositaulaga i le alu atu i lalo le vai foi lele i Fagalii lau Afioga, ona o lea o le a pisi le tatou taligamalo i le alu atu lea agai uta i Fagalii alu i lalo o le vai. O le taimi nei a pa le vai lau afioga i le Minisita ia e le mafai ae pei o i ina lea o lo o faaaoga mai e i latou o lo o agai atu i le Samoa Primary e avatu ai alo ma nai fanau, pe le mafai ona silasila ane i le tulaga lena o lo o faaaoga e le mamalu o le atunuu e agai atu ai i ina aua le alo mai ma le poloka i tai. Pau lava lena o le vaega e fia tuuina atu ai lau Afioga pe maua se ta seleni mo si o tatou nuu mo lena faamoemoe lau afioga i le Fofoga Fetalai.

FOFOGA FETALAI: Ia mo le faasaina o le taimi o lau afioga i le Minisita, se i tulai mai le sui usufono mo Aleipata Itupa i Luga leaga o lea sa e saunoa foi...

Afioga Fuaava Suluimalo Amataga: Faafetai lava i lau Afioga i le Fofoga Fetalai mo le avanoa, e faafetai foi i le afioga i le Minisita mo le saunoaga matagofie. Ia e leai e muamua ona faaluaina le saunoaga a le Minisita i le tulaga o le agaga faafetai i Ofisa Sili foi o Pulega sa galulue i le Airport Authority faapea foi le LTA, ia foi tamalii o taupou ma manaia o le tatou atunuu, faafetai malo le galulue.

O le agaga o lou tulai atu ona ua ou tau le mautinoa ona o lea ua saunoa le afioga i le Minisita i tulaga ia i border controls foi ia a tatou faapea o le SPA ma le tatou AA ona o lea sa taua le tulaga foi lele i le tatou tapenaga foi lea sa avatu ai se manatu. O lea ua saunoa le afioga i le Palemia i lana Ministerial Statement ia a o se vaaiga foi lele i lo'u lava sui usufono aua o la e lava o lo o matamata ma silasila mai foi le mamalu o le Pasefika aemaise foi le tele o atunuu, o lea o le a gasolo mai ae ou te tau maitau atu e pei o le afioga i le Sui Palemia o lo o i ai le tatou Customs ma mea faapena e pei e fitoitonu i ai. Ae leaga o lea ua e saunoa i le tulaga foi o le role a le SPA ma le Airport Authority i le tulaga foi lele i le Kite Runner lea na oo mai ai tulaga faapena, ona o lea e maua o lo o faagasolo sailiiliga ma suesuega a tatou uso i le motu i Sasae ae o le a foi se tatou pitolaau e galulue faatasi ina ia mautinoa e Taitai o Faigamalo o le Taupulega i le fonu a le CHOGM lea e fai mai nei ia Oketopa o lo o lava tapena tatou ma faafoia nisi o... aua pei o se mea foi lele o lo o faapena ona faapouliuli mai luga foi lele i se latou foi silasila mai.

Ia e pei o le tulaga lea e tulai atu ai ma le agaga faaaloalo lau Afioga i le Fofoga Fetalai. Faafetai tele mo le avanoa

Afioga Lupematasila Galumalemana Tologata Togia Tile Leia (Falelatai ma Samatau): Lau Afioga i le Fofoga Fetalai...

FOFOGA FETALAI: Mo le faasaoina o le taimi o lau afioga i le Minisita se i tulai mai le sui usufono o Falelatai ma Samatau.

Afioga Lupematasila Galumalemana Tologata Togia Tile Leia: E momoli atu le agaga faafetai i le afioga i le Minisita mo le saunoaga matagofie. Na o le pau lava si vaega ua ou tulai atu ai ua saunoa manino le afioga i le Palemia i le faamalosia ma le faatutoatasi o le Pulega lea o le MPE aua Faalapotopotoga Tumaoti a le Malo, ona o le vaai taulai a le faigamalo, ina ia mafai ona fesoasoani mai Faalapotopotoga Tumaoti i le faatupega o le Paketi lea tatou te talanoa ai nei. O le mea lea e avatu ai se faamalosia ma se faamanatu i le afioga i le Minisita aua sa tau mataitu lava po o fea lea e agai i ai Faalapotopotoga Tumaoti a le Malo. Afai ua see ese ma le faamamafa lea sa faatulai mai ai foi i le amataga, ae sa tau i ai se tau tilotilo e sili ai le aveese o le MPE ia faapena foi le Pule Faatonu pe afai ua leai se faamamafa i le tulaga lea sa faatulai ai nei Faalapotopotoga taua. Ae o le faafetai o lea ua ou faalogologo atu ma le manino i le saunoaga a le Afioga i le Palemia, leai o lea e faatumaui lava le manulauti ma le faamamafa a le Malo ina ia tulai mai Faalapotopotoga Tumaoti a le tatou Malo ina ia malosi ma fesoasoani i le faatupeina o le tatou Paketi.

So, o se faamalosiua la ma se faamanatu i le Afioga i le Minisita e tautuana ia tatou Faalapotopotoga Tumaoti e pei foi ona talanoa ai le EPC ina ia mafai ona tulai mai. Aua e tasi lea Faalapotopotoga a le Malo sa fesoasoani malosi i le faatupeina o le tatou Paketi a o lea e maitau atu i lenei taimi ua leai se fesoasoani e mafai ona maua mai ai. Ma le agaga faafetai ma le faaaloalo.

FOFOGA FETALAI: Ia mo le faasaoina o lau Afioga i le Minisita, se i tulai mai le sui usufono o Anoamaa 1.

Afioga Alaiasa Moefaauouo Malagaitutogiai Sepulona Moananu (Anoamaa 1): E faatalofa atu i lau Afioga i le Fofoga Fetalai aemaise foi le paia o le tatou Maota ae a foi le tapuaiga a Samoa i lenei taeao.

Ua ou tulai atu ma le agaga faaaloalo e faafetai atu i le Afioga i le Minisita o Galuega, sa aafia lava i si a matou talosaga nai atinae ma nai auala o si o matou Itumalo, ae lelei o lea ua saunoa manino i le mea ua ave i ai le faamuamua aua tatou taligamalo. Ia o la e foi la ua faafofoga mai toeaia, Oketopa, Novema amata loa ona faatino atinae pei ona talosaga ai i le Afioga i le Minisita.

Ae pau lava lea o si ata talosaga lau Afioga, a tolo atu ia Oketopa le vaitaumafa lea na ou talosaga atu ai, te i ua oo atu i ai ua matelaina le fia taumamafa i le vai ae le avatu pea nai tama se toalua se i vaavaai po o le a se fofo o si faafitauli lea lau Afioga leaga o le mea e manaomia i aso uma.

A o le saunoaga a le Afioga i le Palemia ua taoto lava i lagatonu le faalogologo foi a lenei Itumalo i mea uma sa aafia. Ae moni lelei lava le mea lea sa taua ai tatou taaloga. I lau lava vaavaai i taaloga ia na fai nei ua toetiiti lava tutusa ia officials ma le autaaalo. Ae o le tele o le autaaalo e omai fafo, pei ona saunoa. O le tele ia o le waste and abuse lea pe a tatou toe iloilo lelei Asosi nei e toe... ina ia faafoia ai le mea lea o le faaalu seleni. Ia e pei o se mea... ae malo faafetai i lau Afioga e tusa ai foi ma lau saunoaga i lenei taeao.

Ia manuteleina faiva o lenei aso ma le agaga faaaloalo.

FOFOGA FETALAI: Faafetai. Mo le faasaoina o lau... se i tulai mai le sui usufono o Siumu.

Tofa Hon Tuuu Anasii Leota (Siumu): E faamalulu atu i lau Afioga i le Fofoga Fetalai ona ou te le i lauga...

FOFOGA FETALAI: I, se sao alii.

Tofa Hon Tuuu Anasii Leota: Ae leaga o lea ua taua e se tasi o sui usufono le faletalimalo lea o Sinalei. O Sinalei e i totonu o Siumu. Sa ou le lauga la lau Afioga ona ua ou manino lelei i le ma talanoaga ma le Minisita i mea uma ia o le a faataoto ai. Ma ou te le fia talanoa i se mea e le i mautinoa leaga e taua foi i lou Itumalo pe a faapea e afio le Tupu i tua, meamanu e tapena foi i ai. O le mea la lea sa ou faatalitali lava po o le a le taimi e aumai ai le faamaninoga o le a afio le Tupu i Siumu, ia e tapena le matou Itumalo leaga e faigata. Ae a mautinoa o lea o le a ou sauni foi i le matai.

Ae sa ou le taua foi le auala lea lau Afioga leaga o lea ua manino foi le tulaga lea ua i ai, e faatoa uma ia Tesema. O le ala lea na ou le laga i sau lauga leaga o lea ua malamalama, ou te le fia fesili foi la i ai.

Ae faafetai mo lou avanoa.

Ae leaga ua ou le taua foi ou auala ia sa ma o ma le Minisita e asi, le auala lea i Saaga faamolemole lau Afioga. Faafetai.

FOFOGA FETALAI: Malo faafetai, ia tulai mai lau Afioga i le Minisita.

Tofa Hon OLO FITI AFOA VAAI: Lau Afioga i le Fofoga Fetalai, e pei lava ona avatu lau faamaluluuga i le amataga, ua ou taumama atu lava le tulaga foi o la foi e faafofoga tapuai le paia o Itumalo ina ia manino. I ne i te i ua faapea mai ua le faia se mea, ia a o lea sa agiga lava talosaga ina ia manino foi ia i latou le mea o lo o ave iai le tatou faamuamua.

Ia o le... o le a ou toe alu atu la solomuli agai i tua vaeatu le... O le mea lea na taua e Anoamaa e le tuua ai le auaunaga a le Suavai i mea lava na aua ua tatou silafia foi ma tatou iloa e taua le vaega lena.

O le tulaga e pei ona saunoa le sui usufono mo Falelatai ma Samatau, o le tele ia o dividends la e fia ave ae le o i ai se taimi paganoa, e i ai lava le taimi paganoa ona ave lea. I le tulaga lava pei sa ia taua foi le gau, lau Afioga i le Fofoga Fetalai e le o maua e le sui usufono o Samatau ma Falelatai le cash flow a le EPC e matautia. O le tulaga foi la i ai i le tatou... e i ai le tatou tax return foi lea ua 22 e le i aumaia lea la ua aumai, lea la ua amata ai ona offset le loan lea a le EPC i a latou atinae. Ia, oka oka e se na polofiti. A o le taimi lava lenei i le operation latou ia a le EPC o la ua agai lelei le latou fuafuaga.

Afioga Lupematasila Galumalemana Tologata Togia Tile Leia: Lau Afioga i le Fofoga Fetalai...

FOFOGA FETALAI: Malie le sui usufono se i faamaea le saunoaga a le Minisita.

Tofa Hon OLO FITI AFOA VAAI: O le isi vaega lau Afioga i le Fofoga Fetalai e pei ona saunoa le sui usufono o Aleipata Itupa i Luga, e galulue faatasi lava le Customs ma le Malaevaalele ma le SPA i le security o tatou borders ia. O la e foi e faatino lava i lalo o Tulafono ma e leai se mea e te popole ai leaga e le lava foi le afaigaluega a le Customs, ae leaga e i ai ia tatou Aviation Securities, e i ai a tatou securities i luga o le uafu e nafa la ma tulaga faapea ma ua lava foi le latou aoaoina i le tulaga o le saogalemu o le mamalu o nisi foi e agai mai Samoa.

O lou uso a sui usufono ia e faamalulu atu i lau Afioga o le mea e fia faasao e le o se aualagalue auala o Fagalii. O le auala o le aai i totonu o lea e alu atu ai le tatou main road. Ne i te i ua sese mai foi nisi faapea o lea ua fai le aualagalue a lau Afioga, ae le o se aualagalue o le main road a le Malo, mo le silafia.

O le tulaga foi mo mea o le tau totogi o le kasa lea. O lau afioga lea sa e tulai ma e fai mai tatou te ositaulaga, o lona uiga la e pei o se mea faapaole le mea

lea na e saunoa mai ai o le ositaulaga o la e faafofoga le Atua. O upu a le Atua upu na o le ositaulaga. Na o lou fesoasoani atu ai aua a oo loa ina tatou faia le mea lena lau Afioga ia fetagisi mai le afioaga o Satapuala, fetagisi mai o i Tafua ma tulaga o lo o iai tatou malaevaalele. Ae e aoga foi e faatupu manatu. Sei iai la se taimi ia ona toe talanoa lea poo le a se finagalo o le Malo i lea vaega.

O le tulaga i le mea ua saunoa iai le afioga i le sui usufono o Satupaitea. Sa ou musu lava e oo atu iai sau faamatalaga lau Afioga Hon Lautafi i le tulaga lea. O lea foi ua iai tapenaga a le LTA ma lenei foi vaega i le tulaga o le mea o le a afio ai ia... na ou musu Lautafi o le security o le Afioga i le Tupu o Peretania. Na ou musu ou te talanoa ai i le mea lena, e faalauaitele le mea o le a afio ai ma alala ai Lana Afioga. Ia atonu e iai se isi taimi leaga e fai si mamao o lau tau tilotilo foi lea i mea tau security purpose o tagata faapea ae e te le o...e le o tau iai ia lau tofa i le tulaga lena.

Afioga Hon Lautafi Fio Selafi Purcell: Lau Afioga i le Fofoga Fetalai...

FOFOGA FETALAI: Se i faamaea le saunoaga a le Minisita.

Afioga Hon Lautafi Fio Selafi Purcell: Faafetai.

Tofa Hon OLO FITIAFOA VAAI: O moli i Savaii. E sao, sao lau Afioga i le mea la e tupu i Savaii toetititi a pe i vaiaso uma, pe faatolu i le vaiaso moli i Savaii, ia le paoa i Savaii. E saolelei lava. O le matutua o afi la e iai vaeatu lau Afioga ma le mamalu o le Palemene ia masalo toetititi tai 40 tausaga o la afi. O lea la pei ona ou taua ai le afi hire pei a e NZD\$150,000 i le masina le mea la e iai. E pei lava ona ou talanoa atu o lea ua aumai tatou afi...

Afioga Lupematasila Galumalemana Tologata Togia Tile Leia: Lau Afioga i le Fofoga Fetalai pe maua se avanoa.

Tofa Hon OLO FITIAFOA VAAI: E avatu e sui ai afi ia ina ia lelei le tulaga o le paoa i Savaii. O le mea foi la lea ua leva ona tatau ona fai ai le aikia lea a o Pule le Afioga i le sui usufono o Falelatai. Ua leva ona tatau ona ave se isi afi i le isi itu o Savaii tai pei o Asau ina ia..... O le isi mea la e tupu mai mo le low voltage, o le mamao o le mea e tu ai le afi ma agai atu i Asau. Ou te iloa la e toatele lava ia nuu o Savaii la e complain i le pau i lalo o le malosi o le eletise. Ua leaga ai pusaaisa, leaga ai mo mea o TV ona o le faatamala o le sa Pule ai i mea na. O lea la ua tulai mai le isi Pule lea e manaia tele le maatiati o lona mafaufau vaeatu lana afioga. O lea la e uma ona faaoga afi ia e standby i le tatou.....ona sifi loa lea o nisi afi i o poo Asau ina ia paleni le load o mea la e i Savaii aua ai nei toe pe le tatou eletise i Savaii.

Ia, ona toe aumai loa lea o le afi hire lea ua fiasefulu tausaga o hire e le Pule lea sa iai, pei a o le sui usufono o Falelatai ma..... lea o le a toe faafoi i Niu Sila le afi lena sei sefe tupe a le EPC. E tasi lena mea o lo o gau ai lava le EPC, o lena afi. Ae iai foi isi afi muamua e aumai e lei faaogaina, e taunuu mai inei

afi na o le aumai a tutu na iu a ina pala atu ma leaga na afi e lei mafai ona faia se eletise mo le atunuu. O le tele o mea gau faapena lea na iai.

Na ou oo mai loa lea i le Sui Taitai o le Itu Agai, ia e sao a le upu foi lea, soo se mealelei lava e filofilo ai le alii o le lalolagi. O le mea lena lea e tupu nei. O lea ua tei a faimai, e aua ou te faamavae. Ea ua e manao ou te alu atu e taitai oulua ma Tuilaepa? A o lua Afioaga.....ona lua talosaga lelei mai lea ae ou alu atu i ina e taitai oulua.

Susuga Hon Tuilaepa Fatialofa Auelua Sailele Malielegaoi: Lau Afioaga i le Fofoga Fetalai o le mea e fia faasao.

FOFOGA FETALAI: Ia, o le a se mea o mamafa i lou finagalo.

Susuga Hon Tuilaepa Fatialofa Auelua Sailele Malielegaoi: E pei a ona ou taua i le aso ananafi, e alu atu ia lea ua 50% le tatou eletise lea e maua mai renewable energy i le eletise maua mai le vai ma le la. O le ala foi la lena o lea i lau matau, sa taofiofi ai ia afi ia vagana ua moomia. O lea la ua agai ia le faamatalaga a le Minisita i le aumai o afi.

O le a le mea ua tupu i tatou renewable energy? Aemaise e fa....o lea ou te tau matau e fa tatou afi e alu i le vai. O lona uiga ua leaga? E ala ona ou fesili ona o lea ua leva ona iai ia le Minisita lea i i i mea ia a o le sioki ane lava o lea mea, tuuai le Pule ua leva. A o mea uma ia afai sa alu atu, o lea ua leva ona nofo i o ua leva ona tatau ona ia solve iga ia mea ia. A o le kiki ane a, tuuai....ia o lona uiga a sefulu a ou tausaga e tuuai lava ia le sa iai muamua. O lona uiga e leai se mea a oe o fai.

Tofa Hon OLO FITI AFOA VAAI: Lau Afioaga i le Fofoga Fetalai ma vaai lou aao aua le fai.....e faasa i le Tulafono Tumau ona tusi mai lou lima ia te au, tusi ifo i le Sui Taitai.

O le taimi lena e leai ma se afi hydro o faaletonu la e lelei. Faafetai i le Alii o lea faatoa maua mai le timu ua maua ai sina suavai e faaoga i afi ia. Ae o le tulaga i le 50% lea....

Susuga Hon Tuilaepa Fatialofa Auelua Sailele Malielegaoi: Lau Afioaga i le Fofoga Fetalai...

Tofa Hon OLO FITI AFOA VAAI: Faatali sei uma lau tali...

FOFOGA FETALAI: Ia malie...

Susuga Hon Tuilaepa Fatialofa Auelua Sailele Malielegaoi: E follow up lava le mea lea, afai ua tupu le economy o le mea lea e tatau ona fai.

FOFOGA FETALAI: Ia, o lea ua maua atu.

Susuga Hon Tuilaepa Fatialofa Auelua Sailele Malielegaoi: Aumai afi ae le o le faimai ua tuai ona aumai. Ua alai ona faamatala le mea lea, a faafefea le pepe soo o tatou moli.

FOFOGA FETALAI: Ia o lea ua maua, sei tulai mai lau Afioga i le Minisita.

Tofa Hon OLO FITI AFOA VAAI: Lau Afioga, ia e pei a mo le mea o le tuuu foi lele i luga o le... e lavea loa fiki. Ae sei onosai mai sei faamatala atu ia le tulaga lea. O lea mea e fia faasao... mea lea ou te faiatu ai aua e te talanoa mai i mea na, talanoa mai pe fia se tupe e maua i solar. O le 50% lea e talanoa mai ai le Taitai o le Itu Agai na ausia, e lei mafai ona ausia. E gata i lalo i le 30 mei i le 20...

Afioga Lupematasila Galumalemana Tologata Togia Tile Leia: Lau Afioga i le Fofoga Fetalai....

FOFOGA FETALAI: Sei maea le tali a le Malo.

Tofa Hon OLO FITI AFOA VAAI: ...aua foi e iai taimi foi nei e fluctuate ai le power pe a faapea o timuga, ia la le isi taimi. E le mafai ona tumau ia le 50%, e lei taitai a ona oo i le 50% na o le 30% mei mai lalo i le 25% ia mei atu i le 32%...

Susuga Hon Tuilaepa Fatialofa Auelua Sailele Malielegaoi: Lau Afioga o le mea e fia faasao, o le a la le mea na le tupu ai i le matou taimi? Aisea la na le tupu ai i le matou taimi? A o lea faatoa tupu nei ina ua alu atu.

FOFOGA FETALAI: Ia lau Afioga i le Minisita.

Tofa Hon OLO FITI AFOA VAAI: Lau Afioga, na tupu mai lava i lona taimi, na tupu mai lava i lona taimi. O lea la pei ona ou talanoa atu nei, o Iulai i le tausaga nei, o lea ua uma ona faataoto ua aveese isi kamupani foi nei na faalavelave ai i gaoioiga a le Malo ma le EPC. O Iulai i le tausaga nei ua amata loa ona faaalu a tatou solar lau Afioga i le Taitai o le Itu Agai, faaalu solar pe lima i le ono kamupani e faaopoopo i le isi tolu lea e i ai nei, ona faapena loa lea ona tatou me'i. O le me'i la a tatou, e tatou te me'i i le 70 i le 80% e kava e le tatou renewable.

FOFOGA FETALAI: Ia, o lea na...

Susuga Hon Tuilaepa Fatialofa Auelua Sailele Malielegaoi: O le talosaga, o le mea e fia faasao.

FOFOGA FETALAI: Se i tulai mai.

Susuga Hon Tuilaepa Fatialofa Auelua Sailele Malielegaoui: Ua leva ona taoto talosaga ia, o lea sa faatali e aumai kamupani ia e galueaiina le solar ina ia maua le aofai lea e totoe. A o le faalavelave, o lau fautuaga, aua aua aua le aumaia le Green Power leaga e i ai lou aafiaga i le Green Power. O le ala lena o lea e taofiofi ai ona o lea e tau faaofiofi mai lana kamupani.

FOFOGA FETALAI: Ia malie lau Afioga, se i tulai mai le Afioga i le Minisita.

Tofa Hon Olo Fiti Afoa Vaai: Lau Afioga i le Fofoga Fetalai ona ua faalua ona aumai e le Taitai o le Itu Agai ma le Sui Taitai o le Itu Agai le mea lava lea o le Green Power. A o lea la o le a ou faatuina atu le lafo, *E aumai la lua faamaumauga i i ou te aafia i totonu o le Green Power.*

Mo le silafia e lau Afioga, o lea foi sa ou agai atu ia te oe, o le Solar Company muamua lava lea i totonu o Samoa a o le taimi lena o ou Itu Agai. Ou te le i popole i se tulaga, ae ou alu loa, o au na inisinia i le kamupani lena lau Afioga i le Taitai o le Itu Agai. Lea sa ou agai atu ia te oe. O lea o le a faia le mea lea e manao i ai le Malo e fai ni solar. O le a la le mea lea ua i ai? A lea e oo lava i le taimi lenei o la e ola lava le Green Power e aumai le fesoasoani mo tatou?

Ae o le mea lea lau Afioga i le Fofoga Fetalai i i fai mai ua leva ona taatia le tatalaga o kamupani nei e omai e fai solar, e taatia e taatia i se mea le fetau. A lea na ou talanoa atu i le Green Market lea. O i ina lea na faataatia mai ai e le Taitai o le Itu Agai a o Palemia lena. E fia la le tupe e alu i ai? E matautia. E \$13 miliona le mea e alu i ai i le kamupani lea. E taugata uma lava mea a le kamupani lea.

Susuga Hon Tuilaepa Fatialofa Auelua Sailele Malielegaoui: Lau Afioga i le Fofoga Fetalai, o le mea e fia faasao...

FOFOGA FETALAI: Ua ou vaelupeina le saunoaga a lau Afioga i le Minisita, talu ai ona o lea ua tatou...

Tofa Hon Olo Fiti Afoa Vaai: O lea ua agai sao mai lava le kamupani i le EPC ma le Minisita o le EPC.

Susuga Hon Tuilaepa Fatialofa Auelua Sailele Malielegaoui: O lau vaai atu ua tau le taofiofi ona ua pu'e atu le Green Power.

FOFOGA FETALAI: Malie lau Afioga i le Taitai o le Itu Agai, alaala mai lalo. Talu ai o lea ua tatou taunuu mai le tatou taimi malolo, o lea o le a faataatiaese Galuega a le Palemene mo lana malologa masani o le taeao.

Na faataatiaese Taulumaga a le Fono Aoao Faitulafono mo lana malologa masani i le itula e 10:47 i le taeao ma toe faaauau i le itula e 11.27 i le taeao.

FOFOGA FETALAI: Ou te faasilasila atu ua toe amatalia nei Taulumaga a le Fono Aoaofaitulafono.

Ou te tapa ma le faaaloalo lau Afioga i le Tamaitai Palemia mo le lafo.

LAFO MO LE SUIA O ITULA FONO

Afioga Hon FIAME NAOMI MATAAFA: Faafetai i lau Afioga i le Fofoga Fetalai. E momoli atu le faafetai i lau Afioga ma le tatou Ofisa mo le tapenaga o leni taeao, o lea ua tali le sua i le paia o le Palemene, ua maua foi se faasiligamalosia e faaauau ai le tatou galuega. Malo faafetai.

Ua logona e le Maota le manaia o le tatou felafolafoaiga i leni taeao. Ia atonu o ata manino ia o le lelei faagasolo o a tatou galuega, ma o le ala lea o lou tulai atu e faatu le lafo e faapea, *Ina ia faataatiaese Tulafono Tumau 32 mo le Sua o a tatou Itula Fono e afua atu i le Aso Fono leni, seia faamaonia le Tala Faatatau Faaopoopo (Nu.1) 2023/2024 o lo o talanoaina nei. O le a faaauau a tatou Taulumaga seia aulia le itula e 1:00 i le aoauli ona faataatiaese lea mo se malologa ma toe faaauau ai i le itula e 2:00 i le aoauli nei lava seia tolopo i le itula e 10:00 i le po a nanei.*

O le lafo lea ma le faaaloalo lau Afioga i le Fofoga Fetalai.

Faaluaina e le Minisita mo Faatoaga ma Faiga Faiva ma le Minisita mo Galuega, Felauaiga ma Atinae Esee.

Na faamaonia le lafo.

Na toe faaauau felafolafoaiga i luga o le faitauga faalua o le Tulafono Tau Faaofi o le Faatatauina o Tupe Faaopoopo (Nu.1) 2023/2024.

FOFOGA FETALAI: Ia, o le a faagasolo le tatou galuega e tusa o le lafo ua faamaonia.

E faataatiaese a tatou taulumaga o le malologa o le taeao o lo o tau faamaea mai le Saunoaga Talifuatau a le Afioga i le Minisita mo Galuega, Felauaiga ma Atinae Esee. Ia e i ai le manatu lau Afioga i le Minisita ia talu ai o lo o i ai lava sui usufono ia e fia tutulai mai lea itu ona o lea e taua o latou tofiga foi sa i ai talu ai, o le mea lea ua manatu ai, o le a tuu atu le avanoa i le sui usufono lea o Falelatai ma Samatau faapea foi le Afioga i le Taitai o le Itu Agai ona o lea sa taua i laua i saunoaga a lau Afioga, ona tuu atu loa lea o le avanoa i lau Afioga, o le tali mulimuli lena.

Ma ou te faamalulu atu i sui usufono mamalu o lo o faagasolo lava le tatou galuega, o lea ua outou faafofoga mai i le tatou lafo, e tele le tatou galuega o faagasolo. E i ai le manatu e faapea, ia tatou felagolagomai, lagolago mai foi i le galuega a le Nofoa, e le faigofie foi le tau fuafuaina o a outou saunoaga. O le agaga lena e tatalo foi i le Afioga i le Minisita, ia taatia ia me aua tuanae ae

tatou alo i le lumanai aua foi le agai i luma o le atunuu ma le tatou toe foi i tua ma fefoifoiai le tatou galuega, a o lo o tele le tatou galuega o faatalitali mai.

O le mea lea ou te tapa lau Afioga i le sui usufono mamalu mo Falelatai ma Samatau. Ia se i tulai mai le Afioga i le Taitai o le Itu Agai.

Susuga Hon Tuilaepa Fatialofa Auelua Sailele Malielegaoi: Lau Afioga i le Fofoga Fetalai e momoli atu le faamalo i le Matagaluega o lea ua saoi le tausiga na tapena e le Matagaluega e maua ai foi le malosi mo sui usufono. O le mea ou te tulai atu ai, o lea sa taua e le Minisita le tulaga o le tatou eletise alu i le la. O lau fautuaga, tender pea, tender pea galuega ia e moomia. O le lelei o le tender e taugofie ai le eletise mo tatou uma. Na pau lava lena e le faapea o le taumafai atu o se isi tulaga, ae ia tender a tatou galuega ina ia maua e tatou le tau aupito sili ona taugofie. Ae o le a taatia ese ia le ta mataupu pei ona e oo atu ai foi e talanoa atu ia te au i le Green Power i aso la a o ou Palemia.

O se tasi o pisinisi e fai lava si taugata tele o latou tau, a o le mea lea, e le o se agaga e teena ai le faamoemoe. E taua tele le taugofie o le eletise, ma o le mea lea ua agai i ai le lalolagi, o eletise ia e maua mai mea o lo o maua i Samoa nei, renewable energy sources. O le agaga la lea e tau avatu, aua le taofia le faaauau pea o galuega lelei i le tender o galuega ae taatia ese ia ia mea e tau satia ai le faaiuga a le Minisita.

Ia, o lau fautuaga lea lau Afioga.

Tofa Hon Olo Fiti Afoa Vaai: Lau Afioga i le Fofoga Fetalai, o le mea fia faamalamalama.

FOFOGA FETALAI: Ioe, malie lau Afioga se i faauma atu loa ona lafo atu loa lea i lau Afioga, o le tali mulimuli lava lena o lena mataupu e le toe tuua se avanoa i se tasi o sui usufono.

Malie se i tulai mai lau Afioga i le sui usufono mamalu mai Falelatai ma Samatau.

Afioga Lupematasila Galumalemana Tologata Togia Tile Lei'a: Faafetai tele i lau Afioga i le Fofoga Fetalai mo se avanoa ua mafai ona maua e tau faamalamalama ai nisi o vaega e pei ona saunoa le Afioga i le Minisita. Ia leaga e faigata ma ogaoga tuuaiga lea e tuuaia ai lou nei tagata i le taimi foi o avea ma Faauluuluga o le Faalapotopotoga. O le a ou amata atu i le afi i Savaii, leaga ua saunoa soo le Afioga i le Minisita i le afi lea mo Savaii, a o lea ou te maitauina o le amataga o le Paeaiga lena na saunoa mai ai o la e ua oka le afi mo Savaii, a o lea la ua maua i le taeao nei, o lea lava e le i faataunuuna lava lena folafolaga.

O le vaega sa taumafai i ai i lena vaitau, sa i ai le faamoemoe o le tausaga 2020 ua tataua ona 100% le malosiaga faafouina i Savaii, lea sa ala ai ona tuai ona faafoi le afi hire pei ona saunoa i ai le Afioga i le Minisita. Peitai ua aafia tatou i le faamai o le Koviti-19 lea la na le faataunuuna ai. Sa i ai la le manatu e amata mai le faigamalo fou ua tataua ona 100% le malosiaga faafouina mo le motu i Savaii, ia ona aveese ai lea o le afi hire la e i ai. Aepeitai e oo mai le

taimi lenei, o la e lava e le i faataunuuna foi lava lena faamoemoe, aua o le faamoemoe o le faigamalo talu ai, ia oo mai le tausaga 2023 ua 100% le malosiaga faafouina mo Samoa atoa. E pei o nai vaega na e faamalamalama atu ai i le mafuaaga na ala ai ona faatuai ona faafoi le afi hire sa i ai, ona o le faamoemoe ia 100% le malosiaga faafouina i Savaii.

Ona ou oo mai lea i le tulaga i le tuuaina o tatou IPPs. Ia pei foi ona maua i nisi o saunoaga, ou te tulai mai e avea ma Pule Sili o le Faalapotopotoga, e leai ma se malosiaga faafouina e ese mai le malosiaga o le suavai o faatinoina i lena taimi, ae ua uma ona saina le tatou Malo i fonotaga foi i Paris ma tulaga faapena, seti le target mo le Malo e oo atu i le tausaga 2023 ua 100%. A fuafua le tau o le malosiaga faafouina i lena taimi ma le taimi lenei, e tele lava lona eseesega. Sa taugata ona o le taimi o la e faatoa tau amatamata le atiaaina o le malosiaga faafouina. Peitai, ai ua galo i le Afioga i le Minisita o le Kamupani IPP lea e faapea e taugata, o lea e totogi mai e le kamupani lea i le Faalapotopotoga pe a ma le \$4 miliona i le tausaga, ona o aiaiga la e sa tuu i totonu o le power purchase agreement, e le tatau ona sili atu le tau e faatau mai ai e le kamupani lea le eletise e maua i le la i le EPC nai lo le tau e gaosi ai e le EPC le eletise mai le suauu. Aua o le auga atoa lea na ala ai ona taumafai e atiae malosiaga faafouina, ina ia sui ai le eletise o lea e gaosi e tatou mai le suauu. E le gata i lea, e tele itu e lelei ai le malosiaga faafouina, e faaitiitia ai le faaleagaina o le siosiomaga, aemaise o le kasa lea e sau mai le afi suauu e aafia tele ai le ozone. Ae pei o nai vaega na e faamalamalama atu ai.

O le isi itu, ua taua o lea e saunoa le Afioga i le Minisita e amata lana galuega na o le 20% le malosiaga faafouina, a o lea ou te tautino atu, ou te alu ese mai le EPC ua ausia le 60%. Ioe. E 60% le malosiaga faafouina. A o le a le mea la e ua i ai i le taimi lenei? O lea ua toe foi i tua i le 20% i le 25%. E leai ma se atinae o le malosiaga faafouina o faatinoina i lenei taimi, a o lea o le a uma lenei Paeaiga.

O le isi itu e oo i ai se faamatalaga, na saunoa le Afioga i le Minisita i le cashflow a le EPC la e i ai e matua lelei lava, ae molimau atu o lea e aitalafu le suauu i le kamupani suauu. O se tulaga lea o se lelei o se cashflow? Ae sa tatau ona faafetai mai le Minisita ia te au, faafetai ou te alu atu e tele tupe la e i ai o lea na fai ai lau faasoa. Ioe. Ae leai lava ma se agaga e fia faafetai mai.

O le isi itu e fia oo i ai se tala, o le MPE. O lea ua faatutoatasi le MPE mo le vaaiga o a tatou Faalapotopotoga Tumaoti. E i ai lava si feteenaiga laitiiti lea e i ai i le Minisita o le MPE ma le Minisita o le Sector. E pei e maitau atu e pei e more superior atu le MPE nai lo le Sector, ae tatau ona vaavaai le Malo e tuufaatasi ia i lalo o le MPE ae... e sefe ai foi nisi tupe.

Tofa Hon Leatinuu Wayne Soialo (Minisita mo Faalapotopotoga Tumaoti a le Malo): Lau Afioga i le Fofoga Fetalai...

FOFOGA FETALAI: Ia o lea ua... Malie le sui usufono mamalu se i fai atu se tala a le Nofoa. E pei o le agaga foi lena o lea e tau vaai atu e le Nofoa, ona o lea ua agai le sui usufono mamalu agai faiga faavae a le Kapeneta o lo o i ai ma le agai i luma, a o lea sa tuu atu le avanoa ona o mea sa taua ai lou suafa.

Ia se i tulai mai lau Afioga i le Minisita o Faalapotopotoga a le Malo.

Tofa Hon Leatinuu Wayne Sooialo: Lau Afioga i le Fofoga Fetalai pei na o se mea lava lea e fia faasao, ona o lea e fai mai e maitau atu. O lona uiga, e leai ni faamaoniaga o lea ituaiga faamatalaga faapea. Ma o lea foi e foliga mai o lea e na te malamalama i le mea lea e tupu i i ae le o le tulaga lea e i ai lau Afioga. E le o au o se fai auala a. O le MPE lava latou ia ua i ai ana ia faiga faavae i tulaga i fuafuaga i le faatinoina o faiga faavae ma policies faapena, ae leai se mea o i ai, e le o afaina foi lona tulaga lau Afioga. Ae manaia le aumai o ni faamatalaga mautinoa ae aua le aumaia faapea e manatu atu o le mea lea o lo o tupu. Ma le faaloalo lava.

FOFOGA FETALAI: Masalo ua maua mai lau Afioga i le sui usufono mamalu, ia o le ala foi lea o lea e fesoasoani atu ai le Nofoa. Na mafua ona ou toe tuu atu nei le avanoa ona o lea e taua ai lau Afioga sa pulea le Faalapotopotoga i lona taimi. A ua uma loa, ia o lea ua manaia.

Se i tulai mai e faauma mai lau saunoaga.

Afioga Lupematasila Galumalemana Tologata Togia Tile Lei'a: Faafetai. O le a ou le toe agai i le mataupu lea pei ona saunoa lau Afioga i le Minisita. Ae pei na ala ona taua ona o le taua o le fautuaga e tilotilo i ai le Malo, aua e pei e tau feteenai matafaioi.

O le vaega mulimuli e fia oo i ai se tala...

FOFOGA FETALAI: Se i tulai mai lau Afioga i le Tamaitai Palemia.

Afioga Hon Fiame Naomi Mataafa: Lau Afioga i le Fofoga Fetalai... O se mea e fia faasao. O le mea muamua, e leai lava se suiga ua fai e le faigamalo lenei i le Matagaluega lea o le MPE. O le mea lea e taumafai atu i ai e pei ona faagasolo mai foi i isi Paeaiga, o le faataatia i se faataatiaga e sologa lelei ai. O upu ia e aumai e pei e foliga ua i ai se mea ese ua tupu i le Paeaiga lenei. E leai. O le mea lea e tupu, o le tau faamaopoopo mai o faamatalaga ma le faagasologa mai o le faavaeina o tatou Faalapotopotoga Tumaoti ia ma le taimi na faatulai mai ai le Matagaluega lea e fai ma faamalu na te i ai le vaaiga aoao mo tatou Faalapotopotoga Tumaoti. Na o le pau lava lona o le mea, lau Afioga e leai se mea o suia, o lea e faagasolosolo le aoao mai o faamatalaga.

O feteenaiga ia e saunoa mai ai le sui usufono, ioe, o feteenaiga sa sau ai lava, ma le mafai ai ona taatia i se taatiaga manino ma le malamalama ma faagasolo lelei ai galuega a le Malo e taua mai i Faalapotopotoga Tumaoti. E pei o sa matou faamatalaga na fai atu analeila, e tele lea vaega o le Malo o lo o tuu i ai tupe a le Malo.

Ia o se faamalamalama lona.

FOFOGA FETALAI: Faafetai. Ia o lea ua faafofoga mai lau Afioga i le sui usufono mamalu, ia see ese laia ma le tulaga lea ona e manatu atu foi leaga o lea na uma lau saunoaga muamua e le o aafia. O le mea lea o lea ua tuu atu le

avanoa ina ia tali sao i le tulaga lea na laga e le Minisita ae faamaea mai le saunoaga le sui usufono mamalu

Afioga Lupematasila Galumalemana Tologata Tile Leia: Faafetai. O le a ou le toe afea le mataupu lea. O le vaega mulimuli e fia oo i ai se tala o le kamupani lea a le Grid Market o le tele ia o le galuega sa fai i le Paeaiga talu ai i le faiga o le tauofoga lea e aafia ai le Kamupani lea o le Grid Market ina ia faaaoga e tatou le platform a lea Kamupani ina ia tele le maketi e oo i ai le tatou tauofoga. O le taimi muamua lea faatoa tatou maua ai se tau e matua aupito sili ona maualalo e 5sene. Ioe, aisea? Ua o tatou fiu e fai a tatou tauofoga laiti tatou te le ausia se tau faapea. O le mea lea sa ala ai ona o le tatou Malo i le platform lea a le kamupani lea ina ia mafai ona oo le tatou tauofoga i kamupani tetele o le lalolagi. Pau lava si faafitauli lea sa tulai mai o le sovereign guarantee a le Malo na o le pau lava lena o le issue lea sa taumafai e fofu. O lea la ua tulai mai le faigamalo lenei i lenei taimi sa i ai le manatu e o atu fofu le faafitauli e le afaina pe fia ni tupe a le Kamupani ia e maua ai a o le bottom line mo tatou e manuia ai tagata Samoa e 5sene le tau o le iunite semeamanu faapenei ua ausia le manulauti na seti o le 2023 ua 100% le malosiaga faafouina.

Ia e pei o se vaega lea e fia faamalamalama atu ae faafetai tele mo le matou avanoa.

FOFOGA FETALAI: Ia malo faafetai o le mea sili lea ua maea uma mai mea sa i lou finagalo. O le a tali le afioga i le Minisita ma o le tali faaii foi lena o le tatou mataupu. Ia lau Afioga i le Minisita.

Tofa Hon Olo Fiti Afoa Vaai: Ia faafetai tele i lau Afioga i le Fofoga Fetalai, faafetai atu foi i le sui usufono mamalu o Falelatai ma Samatau ia e faapea foi le Taitai o le Itu Agai i le la toe fesili mai i mea foi sa galulue ai. E avatu le faamalo i lau Afioga a o e galue ai foi ma tautua le tatou atunuu i le tulaga Ofisa Sili o le EPC. Malo, malo faafetai. Pau lava mea ia lea tatou te felafolafoai ai, o mea lava aua e leai a se isi e atoatoa.

O le a ou talanoa muamua atu i le Green Market lea ua saunoa mai ai le sui usufono mamalu leaga sa agiga i totonu o lau faamatalaga i se tasi o fonu e aumai le lipoti i totonu o le Palemene, ma lau afioga i le Fofoga Fetalai e oo mai le lipoti lena. Ua manino atoa ai le tatou Komiti faapitoa sa nafa ma le faatalanoaina o le vaega lea. O lea faapea mai ma saunoa mai le afioga i le sui usufono mamalu e faapea e 5sene le tau ou te le faasaoa ina ne i sese le faamaumauga ma le faafogafoga mai a le atunuu. Sa oo mai lalo i le 20sene Amerika le tulaga na aumai ai proposals mai se tasi foi o Kamupani mai Farani PDF e ala mai i i le tatou Grid Market lea sa faatu e le tatou faigamalo talu ai. O lena tau e le i ai se VAGST le mea masani. Ia aumaiga toeitiiti lava \$1 a o le tau lea e faatau ai e le EPC le tatou Power i le atunuu ia lea ua oo i le taimi lenei lea ua 52sene Samoa. E le gata foi la i le tulaga i le taugata o le latou tau, ae o lo o i ai ma le commission po o se tupe faaopoopo a le Green Market i i e maua mai i le capital cost o le atinae atoa lea pe tusa ma le 150milion Amerika. I lou la talitonuga ma le talitonuga o le EPC ma lana Pulega e le mafai a ona le tuua

iai e le Grid Market le latou commission lea i luga o le tau o le eletise lea. O lona uiga e fai a si tele o le mea o le a oo i ai ui i lea o lea ua uma ona fai le faaiuga a le Komiti Faapitoa sa tofia e le tatou faigamalo. Ma o le taimi lenei e masalo o le tele o kamupani ia ua agai mai ma agai i le afioga i le Alii Pule. Ua matua fiafia ua aveese le mea lea leaga e gau ai foi latou i le commission lea e faalala atu ia i latou. O le taimi nei la lea ua saunoa le Taitai o le Itu Agai e tender e leai ma se galuega e le i tender ina. O le taimi foi lenei lea sa toe faatau mai e le EPC le solar for Samoa i se tau... ia le tama lea sa 99sene o lea la ua standardize e taumafai e standardize le tariff lea, o lea la ua aumai le latou offer e 43sene Samoa e i ai ma le VAGST. Se i vaai la i le mamao o le pau lea ua i ai? Ona o le faiga faavae a ia ma mafauauga o le tatou faigamalo e fai se mea tatou sefe ai. O lea foi la ua... e masalo po o le 9 ia kamupani lea ua tau mai e le afioga i le Ofisa Sili o le EPC, o lea ua oo atu ia ia le tulaga o proposals ma o lea foi o le a fai le tulaga lena.

O le tulaga lea i le Kamupani lea na faapea mai le solar for Samoa lea ua ou taua atua, o le mea na fai e le tatou Pulega i lena taimi ma le tatou faigamalo e escalate le tau e amata i le 75 a uma le tausaga ua escalate le .5% I think po o le mea na sa i ai. E uma ifo le escalation ua \$2 i le iunite le tatou te taua ai a o le kilowatt hour le term a le EPC. O le tulaga la lena lea avatu ai pea le... se i onosai mai seia o matou fetagofi atu e faasao lea ituaiga mea faapea. O le afi lea na aumai lea ou te pisa soo atu i ai, lea e taugata ai le tatou eletise le afi hire lea e \$30,000 Niu Sila i le masina ua 6 nei tausaga o tatou faaaogaina le afi lena. Ou te iloa la ua ova ma le \$2miliona Niu Sila le tupe lea e alu i le mea lea a o lea foi ua toe fesiligia. Na ou oo mai loa iinei matou talanoa loa ma le EPC ia oka mai loa afi, o le tausaga lea na tea nei le 2022 lea la ua taunuu mai le amataga o le 2023 lea ua taunuu mai tatou afi. O lea o le a standby i le tatou fonotaga lea e fai ma tatou tapenaga a uma ona ave loa lea o afi na e lua i Savaii e faaoga i Savaii.

O le isi mea lau afioga i le Fofoga Fetalai ou te tau mai o le tele ia o le arrears a le EPC i le tatou Ofisa o Tupe. E masalo pe o le \$23miliona lea na i ai ae ua uma uma na pay i le taimi nei mai le lua tausaga talu ona matou tulai mai, \$22.5 milion le aitalafu a le EPC i le tatou Treasury po o le Ofisa o Tupe ua uma uma lava na totogi. O lea foi e togitogi le tulaga o le tatou aitalafu i le PPS leaga e leai lava se mea e le aitalafu, e faifaimalie ae totogi lava ae sa tau faatea la le aitalafu tele lea sa i i le Ofisa o Tupe, ia la foi ua togitogi toetiiti lava uma le mea lea i le PPS.

Ia e pei o le tulaga lena lau afioga i le Fofoga Fetalai ua ou toe tali atu ai i le afioga i le Taitai Itu Agai ma le afioga i le sui usufono ona faauma atu loa lea lea o lau tala i le mea lea na saunoa i ai le afioga i le Sui Taitai, fai mai na afioga atu i le pito lea i sisifo o pepe uma moli. O lau afioga e te nofo i le pito lea a o lea ua oo lau... o fea le mea e te alu i ai i e alu alu toe faafeula foi sau palugi i o le la pito aua e te afio i le pito lea i sasae a o lea ua e agai i sisifo...

Tofa Hon Lauofo Fonotoe Nuafesili Pierre Lauofo: Lau afioga i le Fofoga Fetalai o se mea e fia faasa'o, o tatou uma lava o tagata feoai i luga o le aualatele lea e mafua ai. E leai se mea o le a ou alu ai, e leai ma ni moli auala i le la itu

ioe ae na o le itu lea o lea e i ai moli auala aua ou te agai foi i Vaitele ma isi itu ia e i ai nai galuega e faatino i ina. O lea la ou te alu atu i le isi aso, ou te le o fai atu foi ua pepe uma moli o le atunuu, leai. Na ou fai atu i le faaitu lea i le alu agai sisifo lea na ou maua atu i le taeao lea na ou alu atu ai o la e pepe isi moli ae pei o le tulaga lena. Ma le faaaloalo

FOFOGA FETALAI: Ua maua lou finagalo. Ia se i tulai mai lau afioga i le Minisita o Faatoaga ma Faiga Faiva.

Susuga Hon Laauli Leuatea Polataivao Fosi: Ioe si mea laitiiti a lea e maitau atu o lea ua faaiuiu le faamalamalama a le Afioga i le Minisita o Galuega Tetele. Lau afioga o lea sa faatu le lafo i le tapa o faamaoniga o saunoaga. E uma le vaiaso lea na te'a nei ae front page mai foi le Samoa Observer le tuuaiga lava lenei e uiga i share a le afioga i le alii Minisita i le Green Power, a o lea foi ua toe agiga i le taeao lenei. Lau afioga e le mama mea ia o lo o feagai pea le Kapeneta ma tuuaiga nei o lo o fai ai tusitusiga a Nusipepa ae faasese ai le atunuu. O le taimi lenei, e tatau ona aumai faamaoniga ina ia faamama ma taofia ai le mea lea e faisoo, aua e faigofie a le tu ma lafo. Ae ua ou tulai atu ou te faalua le lafo a le Minisita e tapa faamaumauga a le Taitai o le Itu Agai ma le Sui Taitai e uiga i le share o Olo i totonu o le Green Power. O le lafo lea lau afioga.

Faaluaia e le Minisita mo Faatoaga ma Faiga Faiva.

Tofa Hon Lauofo Fonotoe Nuafesili Pierre Lauofo: Lau afioga i le Fofoga Fetalai leaga o lea e agai mai ia a'u... maua ma le afioga i le Taitai, e matuia tele lea tuuaiga. A e silasila lelei i faamaumauga o le fesili sa fai, pe le o le Kamupani lea a... lea e i ai sea a le afioga i le Minisita, a o le fesili sa fai i le sui usufono sa saunoa. Ia na mulimuli laia toe tali le Minisita e leai e leai ni ana sea, na uma ai lea i ina o le mataupu. O le saunoaga a le Taitai i le taeao lenei o le Kamupani lena na e oo atu ai ia au a o ou Palemia e talanoa atu. E le toe lotea la ni fesili i ni sea po o ni a. E pei ole faamaninoga lea...

Susuga Hon Laauli Leuatea Polataivao Fosi: Lau Afioga i le Fofoga Fetalai...

FOFOGA FETALAI: Ia se i tulai mai lau afioga i le Minisita...

Susuga Hon Laauli Leuatea Polataivao Fosi: Lau Afioga i le Fofoga Fetalai, ia tulou lava, se i tau fai ni ofuvae o a outou pepelo. Ia o le a faapefea ona fai ua uma ona faafofoga le atunuu. O lau saunoaga foi na fai i le vaiaso lea na tusi ai le Observer lea e sau ai i. O le lafo lea ou te faalua le lafo lea lau afioga i le Fofoga Fetalai.

Tofa Hon Lauofo Fonotoe Nuafesili Pierre Lauofo: Lau Afioga i le Fofoga Fetalai e leai se mea o le a o tatou taea ai fua tusitusiga a le Nusipepa. Ioe, E ese a tusitusiga a le Nusipepa e ese a tatou faamaumauga i le Hansard.

Tofa Hon Olo Fiti Afoa Vaai: Lau afioga i le Fofoga Fetalai...
FOFOGA FETALAI: Ia se i tulai mai lau afioga i le Minisita.

Tofa Hon Olo Fiti Afoa Vaai: Lau afioga i le Fofoga Fetalai e sili a pe a ou fesili atu i ai ona manino laia a o la e faafofoga le atunuu, e i ai ni lua faamaumauga o mea ia? A o ai le kamupani e i ai au share? E leai a ma se kamupani e faia au share? E i ai la sau faamaumauga lea ua e tulai mai?

Susuga Hon Tuilaepa Fatialofa Auelua Sailele Malielegaoi: Lau afioga i le Fofoga Fetalai se i silasila ane lava i lau tautalaga lea na fai atu, a o lea foi na saunoa Olo na oo atu ma talanoa i le kamupani a lea. A o le a la le mea e toe talanoa ai lene kamupani? O lea na e oo atu ta talanoa i le tulaga i le kamupani lea e ave i ai le lagolago?

FOFOGA FETALAI: Ia malie o lea ua maua atu lou finagalo o lea ua faatu mai le lafo... Se i tulai mai lau afioga i le Minisita ae le i avatua le faaiuga a le Nofoa.

Tofa Hon Olo Fiti Afoa Vaai: E faigofie lava le fesili, e i ai ni lua faamaumauga ae o lea o le a fai le lafo? O le mea lene lea ou te fesili atu ai, a faapea e leai ni lua faamaumauga, ia malie la Laauli ma le faaluaina ae se i tutu muamua mai pe iai ni la faamaumauga.

Susuga Hon Tuilaepa Fatialofa Auelua Sailele Malielegaoi: Lau Afioga i le Fofoga Fetalai...

FOFOGA FETALAI: Ia se i tulai mai lau afioga i le Taitai o le Itu Agai...

Susuga Hon Tuilaepa Fatialofa Auelua Sailele Malielegaoi: O ia lea sa oo atu ia te au e ave le lagolago i le kamupani lea a le Green Power ma o la foi e i ai tagata e mafai ona molimau i le aafia o le Minisita... i le taimi e le i... a o avea ma sui usufono.

FOFOGA FETALAI: Ia se i tulai mai lau afioga i le Minisita...

Tofa Hon Olo Fiti Afoa Vaai: Lau afioga i le Fofoga Fetalai e i ai le mafuaaga na ou alu ai i ai na ou fai atu lau afioga i le Palemia a o le taimi lene o Palemia, o lea o le a ou taumafai e fai le solar lea e manao ai le tatou Malo. A o lea e le o tali i le fesili...

FOFOGA FETALAI: O le a la sou finagalo? O lea ua aumai le lafo a le afioga i le Minisita.

Tofa Hon Olo Fiti Afoa Vaai: Ia a faapea e le tali mai i i, ia o le lafo lena lau afioga i le Fofoga Fetalai.

FOFOGA FETALAI: Ia o lea ua fai le faaiuga a le Nofoa.

Na faamaonia le lafo.

Susuga Hon Tuilaepa Fatialofa Auelua Sailele Malielegaoi: Tau mai le lafo, faaupu mai le lafo.

FOFOGA FETALAI: O le lafo lea ua alu atu e saili mai faamaumauga e lau afioga faapea foi le Sui Taitai o faamaumauga e i ai share o le Minisita i le Green Power.

Susuga Hon Tuilaepa Fatialofa Auelua Sailele Malielegaoi: Ae se i saili mai la po o a tonu upu, e faatatau i le sea aumai le faamaoniga...

FOFOGA FETALAI: O le lafo lea ua faatu...

Tofa Hon Laufo Fonotoe Nuafesili Pierre Laufo: Lau Afioaga i le Fofoga Fetalai e pei ona ou fai atu.

FOFOGA FETALAI: O lea o le a... malie mai o lea o le a fai atu le faaiuga a le Nofoa. O lea ua ioeina e le Maota le lafo faatu, o le a lafo atu i lau afioga i le Taitai ma le Sui Taitai e aumai ni faamaumauga o le share a le afioga i le Minisita o Galuega Tetele i le aafia i le kamupani lea o le Green Power.

Susuga Hon Tuilaepa Fatialofa Auelua Sailele Malielegaoi: Lau afioga i le Fofoga Fetalai ou te le i talanoa i ni sea na ou talanoa i le aafia o le Minisita lea i le kamupani lena mai lava i le amataga, ia ma le alu atu ma talanoa ai ina ia uunaia le pasia o le ave i ai o le laisene ioe o le laisene. O lea la ua uma na talanoa mai ma tau mai i le aso i le oo atu ia te au e leai se isi mea na ma talanoa ai na ma talanoa i le Kamupani lea.

FOFOGA FETALAI: O lea ua pasia le tatou lafo.

Tofa Hon Laufo Fonotoe Nuafesili Pierre Laufo: Lau afioga i le Fofoga Fetalai...

Susuga Hon Laauli Leuatea Polataivao Fosi: E pei o le ala lea lau afioga i le Fofoga Fetalai, i le taasisiga o a tatou Tulafono Tumau...

Tofa Hon Laufo Fonotoe Nuafesili Pierre Laufo: Lau Afioaga i le Fofoga Fetalai o lau faalogo o lea e sao le saunoaga a le Taitai.

Susuga Hon Laauli Leuatea Polataivao Fosi: Pei o le ala lea lau Afioga i le Fofoga Fetalai tausisiga o tatou Tulafono Tumau.

FOFOGA FETALAI: Ia!

Tofa Hon Laufo Fonotoe Nuafesili Pierre Laufo: Na te le i taua ni sea.

FOFOGA FETALAI: Ia, e le afaina, alaala mai lalo, le afaina...

Tofa Hon Laufo Fonotoe Nuafesili Pierre Laufo: A o lana saunoaga na oo atu le Minisita ae le i Minisita.

FOFOGA FETALAI: Ia e le afaina, alaala mai i lalo le Sui Taitai, o le a fai atu le...

Tofa Hon Laufo Fonotoe Nuafesili Pierre Laufo: Ia ae o le faaupuga o le Lafo lau Afioga ina ia sao le faaupuga lea e mafua ai ona tulituliloa. Aua a vaai i le Hansard, o au a ia o le fesili na fai. E tatau la ona sau le laso... I mean le lafo...

FOFOGA FETALAI: Ia ua e tagai nei la i ai? Ua e tagai i ai i le mea lea ua i ai?

Tofa Hon Laufo Fonotoe Nuafesili Pierre Laufo: O le mea la lea e tupu ua fesasiai ai upu ona o le tele o nei mau faamatalaga.

FOFOGA FETALAI: Mo mea o mafaufauga faaletonu. Ua e tagai nei la i ai? Ia malie...

Tofa Hon Laufo Fonotoe Nuafesili Pierre Laufo: Ioe, leaga e tatau ona aumai le lafo, faatu le lafo, pe sao na fesili le Sui Taitai o le Itu Agai pe i ai ni sea a le Minisita.

FOFOGA FETALAI: Lau Afioga i le Sui Taitai, ia alaala mai i lalo o lea ua maua.

Se i tulai mai lau Afioga i le Minisita.

Susuga Hon Laauli Leuatea Polataivao Fosi: Lau Afioga i le Fofoga Fetalai, e tatou te faaataata a lafoga ae le manuia mo le tausiga o le mamalu ma le aloaia o le Palemene. O lea ua faatu le lafo ma ua pasia, ia o lena. E leai se isi mea, lea ua e faamanino, o e sue mai lua faamaumauga e aafia le Afioga i le alii Minisita, shareholding o le Green Power ia ona uma loa lea.

Susuga Hon Tuilaepa Fatialofa Auelua Sailele Malielegaoui: E tatau lava ona faasao upu ina ia iloa tonu po o le a le faaupuga o le lafo.

Susuga Hon Laauli Leuatea Polataivao Fosi: Se i oulua tofotofo i mea sa fai. Ua uma, ua iu le mataupu.

Susuga Hon Tuilaepa Fatialofa Auelua Sailele Malielegaoi: Aua ou te le i taua a ni sea ae na ou taua le aafia o le Minisita. O lea foi la na manino i le saunoaga a le Minisita nei i le taeao na oo atu ia te au ma talanoa.

Susuga Hon Laauli Leuatea Polataivao Fosi: Lau Afioga i le Fofoga Fetalai, e tapa pea le tofa i lau Afioga. O le Palemene e le fefoifoia'i, e alu i luma pe alu i tua, tausiga lena o le mamalu o lea e tau lioilio atu, tatou upu ma tala leaga o la e faafofoga le atunuu. Ae faafetai o lea ua pasia le lafo, ou te tatalo atu faatino loa.

FOFOGA FETALAI: Ua lelei o lea ua maua ma o le ala foi lea o lea na ona tatou faatalasua ae leaga o lea ua pasia le lafo. O le mea lea, ia malilie o a lava ia faaupuga ia o le a lafo atu pea i faamaumauga e tuuina mai i totonu o le Palemene. O le a faapena ona silasila toto'a i ai le tatou Palemene mo le agai i le lumanai. Ae ua maea lea tulaga. Se i tulai mai lau Afioga i le Minisita.

Tofa Hon OLO FITI AFOA VAAI: Faafetai tele i lau Afioga. Ia ou te iloa na pau lena o ni vaega sa matou talatalanoa atu ai ma tau faamalamalama atu. E faamuli se matou tala, ;e tatou Pulega ma le tatou Sector e avatu le faamalo, e toe avatu foi, ia faaauau pea le tatou fai mea lelei ma le tatou galulue malosi aua le tatou pitolaau e tautua le atunuu ma le tatou Malo.

Ia, o se matou tala lea lau Afioga i le Fofoga Fetalai. Faamanuia le Atua i lau Afioga faapea foi le paia ma le mamalu o sui usufono o le Palemene ae matou ola i le alofa o le Atua, faafetai.

FOFOGA FETALAI: Malo faafetai, malo saunoa i lau Afioga i le Minisita o Galuega Tetele. E le gata foi o le faamalamalamaina o le... ia o la outou pitolaau aua foi mataupu sa laga e le paia o le Maota. A o lea lava ua oo foi nisi saunoaga i nisi tulaga aua lava le agai i luma o le Matagaluega ma le tautuaina o le atunuu. O le mea lea, ia malo faafetai.

Ia o le avanoa lea i lau Afioga i Faalapotopotoga a le tatou Malo, lau Afioga i le Minisita.

Tofa Hon LEATINUU WAYNE SOOIALO: E muamua ona momoli atu le faafetai tele i lau Afioga i lenei vaega o le taeao. E avatu foi le faamalo i lou lava onosai aua foi le faatinoaina o le Fonousu a Samoa, aemaise foi e faatalofa atu i le Afioga i le Tamaitai Palemia aemaise foi le Kapeneta ma lenei itu. Ia faapena foi lena itu i le afio o lau Afioga i le Taitai o le Itu Agai aemaise foi le Sui Taitai ma lena itu.

Ou te talitonu lau Afioga e le umi foi se faamatalaga ona e le tele foi ni mataupu na afea ai lenei vaega aemaise e laiti lava i latou na fesiligia ae o le tulaga lava o le tatou Vaalele le Samoa Airways, lea sa i ai le talosaga foi a Aana

Alofi 1, Safata 1, Sagaga 2, Sagaga 1 e faapea foi se tuualalo a le sui usufono mai Lepa i le tulaga lava o le tatou Kamupani Vaalele.

E pei ona ou taua i le taimi ua mavae, o lea ua tilotilo le tatou Kamupani Vaalele i ni tulaga e mafai ona faataatia lelei ai le tatou kamupani vaalele i lenei vaitaimi. E tele ona luitau, tele foi ona faaaitaui ae peitai e le mafai lava ona tuua e tatau lava ona tatou finauina pea le tulaga o lo o i ai le tatou Kamupani Vaalele i lenei vaitaimi aemaise foi o le Kamupani Vaalele o lo o i ai, o ona tamai vaalele laiti o lo o faaogaina i le taimi lenei lau Afioga, masalo ua ova ma le tai tolusefulu tausaga. Ou te talitonu ua tatau foi ona tilotilo foi i ai le Pulega a le Samoa Airways i se tulaga e mafai ai ona toe faataatia mai se isi fautuaga i le Kapeneta aua foi le tulaga o le faataatiaina o le tatou vaalele.

O le tulaga foi o lo o i ai i le taimi lenei pei ona ou taua i se taimi ua tuana'i, o lea ua amata ona fai faatalatalanoaga. O faatalatalanoaga nei, ia o le tulaga lava e tatau ona i ai, e pei ona aumai foi e lena itu e tatau ona i ai se tatou Vaalele. Ae peitai lau Afioga e i ai faaaitaui o lo o i luma mai o le aumai o le vaalele e ao foi ona tilotilo i ai le tatou Faigamalo ina ia mafai ona faataatia i se tulaga lelei le tulaga foi o le tamaoaga o le Samoa Airways o lo o i ai ina ia mafai... aua ne i toe faaopoopoina nisi afaina i luga o nisi afaina.

A o le agaga lava ia o le faatalatalanoa, e le faigofie foi le faatalatalanoaga lau Afioga i le Fofoga Fetalai ona e le o talanoa i le i ai o se seleni mautu a le Samoa Airways. O lo o faatalanoa i luga o aiaiga e leai se tatou seleni o i ai. Ia, e le eseese la ma le finau a kamupani vaalele o lo o finauina faiga paaga nei, o lo o finau i luga o le lava o le seleni e faatino ai nei fuafuaga. A o le faalavelave o lo o faatinoina i luga o fuafuaga i le lelele o le tamaoaga o le tatou Kamupani Vaalele.

O lea ua taatia mai i se tulaga lelei ona ua tele ina aveese nisi o aitalafu na i ai, ua toe faafoi foi i le Faigamalo i lalo o lana faamalumaluga i lalo o le Faigamalo e toe totogi e latou ae toe taatia mai lava le Samoa Airways i se tulaga e mafai ona latou faatinoina ai, e aunoa ma le toe taumafai atu o le tatou Faigamalo i tulaga ia. E pei foi ona silafia e le o toe talia foi e le tatou Faigamalo i le taimi lenei le faamalumaluga a le tatou Malo i lalo o le atinae lea. E tiga lava lota taumafai ina ia maua se avanoa lelei e mafai ai ona fesoasoani ae peitai e le o toe taliaina. O lona uiga mo le mamalu o le tatou Palemene, ia taatia mai o lea ua taumafai lenei itu aua foi se tulaga mo le atinae mo le agai i luma.

O le agaga lava ia o le taumafai ina ia fai se tatou vaalele, ae fai i luga o aiaiga o le pisinisi ina ia mafai ona faatino faapisinisi. Mo le silafia foi, o le Samoa Airways o lo o i lalo o Faalapotopotoga Tumaoti a le Malo. E i ai foi ona ia aiaiga e mafai ona faatino ai ae pei e auala uma mai le tatou Kapeneta pe a faapea o lo o i ai se manatu o le a faatino se atinae e aunoa ma se aitalafu e aafia ai.

Ae o lenei taimi o lea ua faalogologo atu i sui usufono ia na saunoa mai ina ia taumafai e tau fai se tatou vaalele. Atonu e le mafai ona tatou o toatasi ae mafai ona tatou o toatele. O le uiga o lea faamatalaga o lea o lo o i ai tatou neighbors ia e tuaoi tatou o lo o lelei le latou faiga pisinisi i tulaga tau vaalele. O le isi foi mea e le mafai lava ona tatou toe o toatasi ona e le mafai ona faatino e le tatou Faigamalo aemaise foi le tatou Kamupani ona faatulaga tulaga ia ina ia aumai

pea se fesoasoani a le Malo ona ua tatou maitauina ma molimauina e le o mafai ona faatulaga lea tulaga. O le tulaga lena i le tatou vaalele ae aumai le tou faatuatuga le tatou Palemene ina ia mafai ona tatou oo i se sini autu.

Ia, o isi foi ia fai mai e faatino nei ae le i oo ia Aukuso. O le a taumafai pea i ai i faatalanoaga i le taimi lena ae le mafai ona matou faatinoina pe a faapea e oo atu i le taimi lena e lei tulaga lelei mai. O lea ua tulaga lelei le va lea o tatou ma Tutuila i le faatinoina o tamai vaalele nei ae peitai e matutua isi vaalele i le taimi lena i lo nisi o lo o i ai i totonu i nei ona ua leva ona faagaioi. E i ai foi isi vaalele laiti ua le mafai ona toe faia le auaunaga ona ua tuai tele. Ia pei o le faamatalaga lea i le tatou vaalele ae taatia mai lo outou manaoga, ia atonu e faifai lava lelei lea tulaga.

Ona ou oo mai lea... e toatasi lava le sui usufono sa fesiligia le tulaga lea i le Gambling Control...

Susuga Hon Tuilaepa Auelua Sailele Malielegaoi: Lau Afioga i le Fofoga Fetalai e tulai atu lava i si tamai mataupu lea...

FOFOGA FETALAI: Ia malie lau Afioga i le Minisita se i tuu atu le avanoa i le Taitai o le Itu Agai.

Susuga Hon Tuilaepa Auelua Sailele Malielegaoi: Sa ou laga le taua o vaalele ma le felauaiga foi o tagata maimoa mai Samoa aemaise lava o tatou tagata. E agai sao la lau tautalaga i le fesootaiga lena o tatou ma Amerika Samoa. I aso malolo ia na uma atu nei, e atagia mai ai le toatele o tatou tagata, e le gata i tagata e fia malaga i Amerika Samoa a o tagata e fia malaga mai Amerika Samoa ae taofiofi a tatou malaga. O lea la sa tolopo ai le feoi o isi tagata.

O le taimi lena, tatau ona matua faaalu le vaalele latou aua nei... i le va o tatou, aua le nofo aua le malolo ia toatele ai tatou tagata e femalagaa'i ma tele ai le tatou seleni e maua. Se i tilotilo ane lava, afai o le tulaga e moomia e vaalele le malologa mo le siakiina, ia e le afaina. Ae afai sa tatau ona faalele ae ua fia malolo le Pule, ia e le talafeagai. O le taimi lea e sue ai tatou seleni.

FOFOGA FETALAI: Se i tulai mai lau Afioga i le Minisita e faaauau le saunoaga.

Tofa Hon LEATINUU WAYNE SOOIALO: Lau Afioga faafetai lava mo le fautuaga, manaia le fautuaga, ou te le talia le mea lea fai mai o le malolo o le Pule. O le tasi lea tagata faigaluega a le tatou Kamupani Vaalele e faigaluega i le ao ma le po ona o le taumafaiga o lea faamoemoe. Mo le silafia e le tatou Maota, e i ai aiaiga i le va o Samoa ma Tutuila i le faatinoina o vaega ia. O lea e faatalatalanoa nei le mataupu ina ia tuu mai atoa e Tutuila ia tatou le tatou freedom e mafai ai ona tatou feleleai i luga o le va lea.

Mo le silafia e aumai le faatagaga mai Tutuila i le aofaiga o flights e mafai ona tatou faatinoina i lea aso ma lea aso ona e i ai aiaiga e tatau ona tatou usitaia i le va ma Tutuila. So, e manaia la le fautuaga o lo o aumai, ae pei ona silafia

foi e tatau foi ona malolo Pailate latou pe a ova atu i le taimi e mafai ai ona faatino fuafuaga ia.

Ae faafetai mo le tuualalo, ua manaia lea, tatou o i le mea lea e maua ai le tatou seleni. Ae aua tatou te toe o i le vaega lea o Jet Operations e le o lelei ai le tatou faagaioiga o tulaga ia ona e gau ai tatou i lea fuafuaga.

Ia ona oo mai lea i le tulaga lea sa fesiligia e le sui usufono mai Gagaemauga 2 e uiga i le faatinoina o tulaga ia o bingo, po o le faatinoina o tulaga ia o le atinae o bingo. Po o le a le mea e ala ai ona eseese faailoga o bingo i lea vaega ma lea vaega aemaise lava aulotu ia o lo o... Mo le silafia e i ai aiaiga e mafai ona apply mai i ai ia aulotu aemaise foi i latou o lo o faatinoina bingos ma tulaga faapea e fua i le laisene o lo o apply mai ai. Ona aumai laia faatoa mafai ona talia e le tatou Gambling Control le aofaiga o prizes e mafai ona faatinoina. Ae fua foi la i le totogi latou te totogiina maia. E i ai le isi vaega na o le non-profit organizations e mafai lava ona apalai mai agai i ai. E i ai foi le isi vaega ua faapitoa lava mo pisinisi. Ia e tatau ona aiaia tulaga foi o le laisene e mafai ona fai returns ina ia mafai ona aumai i le MCIL aemaise foi le Gambling Controls ina ia mafai ai ona fuafua le aofaiga o le laisene e avatu. E fua lou manaoga i le prizes e avatu ia te oe i le totogi o le laisene po o le fee e mafai ona e totogiina, e fua i le prize. E le mafai la ona e totogiina le \$34.00 o le prize, o le fee lena e te manao e fai ai lau bingo ae te manao e oso le faailoga o lau bingo i luga i le \$2,000.00 pe \$1,000.00. E fuafua lava la i ai i fuafuaga ia pe a faapea e apalai lelei mai i le Matagaluega ia ona fua lea i ai o le aofaiga aua e ese le fee e ese foi le tupe e te totogia i i e fua i le laisene o lo o e aumaia. Ne i te i ua faapea nisi o aulotu po o le a le mea e oo ai faailoga o isi bingo i luga i le tai 1000+ tamaiti ma tulaga faapena ae fuafua lava i le aofaiga o lo o totogi mai. Ae talia lava pe a faapea e mafai ona e totogia le aofaiga o le tupe e mafai ona faataatia ai. O le mea lea, ua uma ona faataatia lelei i faiga faavae foi a le tatou Matagaluega o Petipetiga ina ia mafai ona oo i se tulaga lelei.

Ia lau Afioga i le Fofoga Fetalai, masalo e na o le pau ia o nai mataupu sa aafia i le taumafai mai a lena itu. Ia, ae mo lenei taimi e momoli atu le faafetai tele i lau Afioga mo le avanoa.

Afioga Leana Ronnie Posini: Lau Afioga i le Fofoga Fetalai...

FOFOGA FETALAI: Sa saunoa lau Afioga... ia lea e maua atu lea sa... Ia o le avanoa lenei o lau Afioga.

Afioga Leana Ronnie Posini: Lau Afioga i le Fofoga Fetalai, e momoli le agaga faafetai tele i le Afioga i le Minisita. Faafetai i le folasaga manino ma le malamalama. Ae ou te iloa o au lea na ou lagaina le mataupu lea o galuega faavaitaimi a o Minisita lau Afioga. Lea pei sa inaina mai ai le afioga i le Minisita o Faatoaga se i tau fofo le tele o gasu ma tulaga faapena ae na manino lava lau fesili i lau Afioga i tulaga o galuega faavaitaimi.

Tofa Hon LEATINUU WAYNE SOOIALO: Lau Afioga i le Fofoga Fetalai...

FOFOGA FETALAI: Ia se i sui tulai mai lau Afioga i le Minisita.

Tofa Hon LEATINUU WAYNE SOOIALO: Ia e fia fesoasoani atu lava i le mataupu lea. Na fai loa fesuaiga a le Kapeneta na i ai, o mea uma lava i galuega faavaitaimi na momoli uma atu lava i le la itu. A faapea o i ai sona finagalo i lena tulaga ia se i oo i le taimi o le Minisita o Tupe ona tali atu lea. E oo foi i faiga faavae sa faataatia la ua momoli uma atu lava i ai i o. O la e ua faataatia atu ia te ia po o le a lava sona finagalo i le faatinoina, ia e faamalulu atu ai ne i te i ua oo i se taimi e le finagalo lelei i se tali e avatu ae o le tali lena i lau Afioga le usufono.

FOFOGA FETALAI: Po o ua manino lau Afioga i le sui usufono mamalu? O la ua i o i le Afioga i le Minisita o Tupe.

Afioga Leana Ronnie Posini: Ua lelei faafetai ona e taua ia te au le mataupu ona o le tulaga lea o le lafo foi lea i tua i itumalo le pikiina o tatou au tauapu ma tulaga faapena. Ia la e faalogologo mai le matou itumalo, e lagolagoina e le matou itumalo le tulaga lea. O se faiga lelei aua e le faapea matou te tulai atu ona matou teena lea ma tulaga faapena.

Tofa Hon Leatinuu Wayne Sooialo: Lau Afioga le Fofoga Fetalai...

FOFOGA FETALAI: Ia se i tulai mai...

Tofa Hon LEATINUU WAYNE SOOIALO: O la ua momoli uma atu i le itu le la. A faapea foi e le finagalo i ai, ou te talitonu e talia foi e le Afioga i le Minisita o Tupe....

FOFOGA FETALAI: Masalo lau afioga i le sui usufono mamalu o lea ua faafofoga mai le Minisita o Tupe. Ia la ua lafo uma atu ai lava mea ia sa e saunoa i ai. Ou te iloa o le tele foi na o finagalo o sui usufono mamalu o le Maota lena. Ia tulai mai lau Afioga i le sui usufono mamalu.

Afioga Leana Ronnie Posini: Ia, ua lelei. O le a ou talia. Ae ala ona taua ia te au leaga o lea ua maliliu o tatou tagata i galuega faavaitaimi. E taua tele ia te au ae faafetai o lea o le a tali mai le afioga i le alii Minisita...

Tofa Hon LEATINUU WAYNE SOOIALO: Lau Afioga i le Fofoga Fetalai, o la foi e i o le tali o le fesili foi lena lau afioga. Ma le faaloalo lava.

Afioga Leana Ronnie Posini: Ia faia ia le finagalo o le Afioga i le Minisita. Faafetai tele.

FOFOGA FETALAI: Malo faafetai. Malo a saunoa i lau Afioga i le Minisita. Atonu lea ua malamalama foi nisi o finagalo faaalua o le Maota aua foi

Matagaluega o lo o i lalo lau vaaiga. Malo faafetai. Lea ua manino isi tulaga pei ona taumafai mai ai le sui usufono o Safata 1.

Ia o le avanoa lenei o lau Afioga le Minisita o Soifua Maloloina.

Afioga Hon VALASI LUAPITOFANUA TOOGAMAGA TAFITO SELESELE (Minisita mo le Soifua Maloloina): E fo'i le agaga faafetai i lau Afioga le Fofoga Fetalai i lenei laolao ua tuuina mai mo lenei Matagaluega. A o le i faia se lipoti puupuu po o se tali atu i saunoaga a sui usufono mamalu, e momoli le agaga faafetai i sui usufono mamalu uma sa laga ma afea lenei Matagaluega. E le toe taea e lou sui usufono le lavelave o Samoa aua o lea ua taoto i le Maota lenei tulaga masani aua o paia o sa ma faiga o Samoa, o lea ua ao i le Malaefono nei po o le Maota o le tatou Palemene. E 18 sui usufono na ou faamaumauina lelei na sausaunoa i le Tala Faatatau o le Tupe, ae 9 sui usufono sa afea le soifua maloloina. Ma o lea e momoli ai le agaga faafetai tele ma le faamalo i sui usufono mamalu uma.

E leai sou talitonuga e faatauagavale i mea sa laga aua o mea sa laga o le aoaoga tele lea ua tuuina mai ma e matou te faaaogaina pea le tuualalo a le Maota lenei i le fatufatuina aemaise o le atinaeina o le tatou soifua maloloina. Aua o le mea moni e leai se poto e leai se atamai, ua na o se auauna vaivai e tausaili manatu ma lagona aemaise o le vaavaai i mea e lelei ai le tatou Matagaluega o le Soifua Maloloina. Ae o la outou tuualalo ma fautuaga ua malosai ai le sui usufono ma malosai ai foi le Pulega. A o faafofoga mai le Afioga i le Ofisa Sili o Pulega, aemaise le Laau na Fausia, le Afioga ia Aiono, aemaise le Matagaluega i ona vaega uma i tulaga maoti aemaise foi nisi o vaega o lo o i lalo o le portfolio a le Minisita, le OUM po o le tatou Iunivesite aemasie foi le faamamatoto. O ia mea uma ma itu tetele, le Matagaluega o le Soifua Maloloina aemaise foi tulaga e pei ona tulai mai o lea e fiafia lava le agaga i le tele o fautuaga aemaise le tuualalo e le faaupuina e au o ni faitioga ae ou te faaupuina o tuualalo aoga. Ma a faalogo i ai le Minisita ma le Ofisa Sili o Pulega ma le Matagaluega, o ai na o le Matagaluega o le faalogo ma faaaoga.

Lau Afioga i le Fofoga Fetalai, i lau api sa tusia ai le tele o sui usufono, ua uma ona ou tali atu i nisi o faafesili. Ou te iloa la a o faafofoga mai le sui usufono sa ou tali manino ma faauilavea i le taimi o saunoaga. Ou te iloa e le matagofie le toe asaina o ia fatia ua uma ona tali atu. Ae o lo o i ai lava isi sui usufono o lo o afea lenei Matagaluega i a latou saunoaga.

Lau Afioga i le Fofoga Fetalai, o le a tuliloa lava le taimi aua ou te talitonu o le Matagaluega o le Soifua Maloloina e le o se tupe tele o lo o aafia i le paketi lenei po o le Tala Faatatau o le Tupe. Ae ala ona ou taua ona o mea sa lagalaga ma ia faamanino nai mea faamalamalama. Lau Afioga i le Fofoga Fetalai, faafetai tele. E i ai nai sui usufono sa laga le tele o nisi o mea. Ia sa ou faamanio foi aemaise le faamamatoto. Afai o faafofoga mai sui usufono sa laga. Ia, e taua ia o lea foi vaega o le soifua... Faafetai foi i le taimi na amata ai lenei mea. Sa amata mai e lenei Vaega o le tatou HRPP. E le taumateina galuega lelei, mea taua lea ua fua mai i le vaiatau nei. Aua sa amata i se vaega toaitiiti e faamama toto na o le toaiva. Pe a maitau i le talaaga o le faamamatoto faatasi ai ma nisi sa autovaa i Niu Sila e faamama ai le toto. Ae ou te faafetai i lenei vaitau i le

aufaigaluega, i le o lo o faafoea foi le faamamatoto i se alo foi o le atunuu le Susuga ia Mulipola Hazelman. E ese foi le taua o le latou taumafaiga aemaise le Komiti Faafoe i lona Taitaifono aemaise foi le Komiti Faafoe i le faagaioia o lea lava vaega taua o lo o fai ma sulufaiga o le tatou atunuu ia i latou o lo o faamamatoto. E ala ona ou toe taua lea mea ona o le tele o faitioga i luga o le socia media, o tuuaiga faapea ua taugata... I le Minisita ma lana Matagaluega aemaise foi tulaga pei ona agia ai. Ia o na mea, o le pola lava e motu i tua. Ae o le Maota leni o le atunuu o le Maota e faamanino ai ma faamalamalama ai ia tulaga uma.

I le afua maiga o le faamamatoto, ia e le tau faamatalaina o lena foi e silafia lelei e le Taitai o le Itu Agai ma lena itu talaaga ma o lo o faaauau pea e le tatou faigamalo ina ua tulai mai ma o se mea sili ona taua lea. Sa taumafai mai lava i le toaiva o tagata sa faamamatoto. I le taimi lena e faitau \$9 miliona se tupe sa faaalu mo le toaiva tagata e faamamatoto. Ona sau ai sau ai lea o lena numera e oo mai i le taimi nei ua 200 tagata o le tatou atunuu lava o lo o faamama le toto. E le gata i le falemai i Motootua, ae faapena foi le tatou fale faamamatoto i Tuasivi. O lona uiga, ua tupu tupu pea ma tupu tupu pea lea foi matafaioi aemaise o le taua o leni foi vaega. Aua ne i galo i le Maota mamalu, lau Afioga i le Fofoga Fetalai, o le faamamaina lava o toto na fausia mo Samoa mo ona lava tagatanuu o e o lo o nonofo i Samoa ma nofomau i Samoa. Ae ua alu alu peitai ua afea e nisi o tatou uso asiase mai Samoa mai Niu Sila, Samoa mai Ausetalia ma Amelika, ia ua gasolo mai ae le o mafai foi ona taliesea e le tatou vaega faamamatoto. E ala ona ou tautala i le mea lea leaga o lo o aveseina pea e o tatou tagata le malamalama ia foi tu ma aga. O le fautuaga o lo o ave i tatou tagata mai fafo tatou Samoa Niu Sila, tatou Samoa Ausetalia po o fea lava, a o le i oo mai i Samoa, pe afai e afio mai ma tala mai aao i Samoa ae o ia e faamama le toto. E talosaga mai i le ala o mea. E mafua na talosaga ia malamalama fomai o lo o faafoea lea matafaioi ma malamalama tausisoifua aemaise i tulaga uma e ao ona latou aoina faamatalaga e ala i lona gasegase. Aua e i ai isi tagata e faamamatoto ae tele aafiaga o isi gasegase e le na o le faamamaina o le toto ae tele nisi gasegase. O le mea lena e fia maua ai faamatalaga. E tua atu i le lua i le tolu vaiaso pe sili atu pe afai e fou malaga mai ona faamalamalama mai lea pe talosaga mai. Leaga o le mea moni lau Afioga i le Fofoga Fetalai, ua uma ona polokalame masini a le tatou fale faamamatoto mo tatou lava tagata. Manatua afai e faatolu ona faamama le toto se i tulou i le vaiaso, ua faatulaga lava taimi ma aso o lea gasegase ma lea gasegase. O lona uiga, e le mafai ona tatou tauaveina se isi tagata e ese mai. Se isi tagata e ese mai e faafuasei ona ofi mai ma monomono mai se i tulou sona avanoa. O la e faafofoga mai Samoa i fafo aua e fai mai isi e taugata faiga a le Minisita lea e i ai nei. E le o ni tau a le Minisita. O tau ua uma ona faatulagaina i lalo o tatou vaega o tupe maua ma tuuina mai i le Kapeneta ma fautuaina ia mea uma ina ia siitia. Aua ne i galo i lau Afioga i le Fofoga Fetalai, o mea ia e fia faamanino. A manino le faamamatoto i Samoa i aiaiga o lou gasegase o lea o le a e taunuu mai i le isi lua vaiaso, e te afio mai la ua i ai le polokalame o oe ma e faamalamalama atu ia te oe le tau o lo o i ai Samoa. I le taimi nei e i le va o le \$800 i le \$1,200 Niu Sila le tau o le faamamaina o le toto o le tagata Samoa

pe a afio i Niu Sila. E le mafai na tatou talosaga i Niu Sila faamolemole e a pe a faapau le faamamaina o le toto... Ae na o tatou lava ua oo mai i Samoa e na o le \$600 mo le Samoa ae \$1,000 mo le tagata e leai se piitaga Samoa. Ae talosaga lava i se pau, ae ou te talitonu o le matua pau lava, o le matua faigofie mo tatou tagata.

Ia ona i ai loa lea o le mea foi lea... o le talaaga sa ou tapa se faamalamalamaga a le faamamatoto i le tau e mafai ona... i se tupe mo le tagata e toatasi lea i Samoa e faaaluina mo le faamamaina o lona toto ma taualumaga o tau eseese. Pe a ma le \$90,000 i le tagata e toatasi, \$90,000 i le tagata e toatasi. Ae a silasila nei ia Samoa, o le tau lava na sau ai mai na taimi, sa \$10.00 le tagata Samoa o lo o nofo i Samoa, sau ai lea \$30.00 a o lea ua \$50.00 mo le vaiaso. O lona uiga e \$50.00 pe a ma le 17 ma sene i le faamamaina e tasi o le tagata Samoa e nofo i Samoa. Ona o lau tala, o leni lava faamoemoe sa fausia faapitoa mo tatou tagata Samoa i Samoa mo latou gasegase faamamatoto.

O lea la lau Afioa i le Fofoga Fetalai tasi lea mea o lo o logologoa le tuuaiga aemaise le vevesi ai o tatou tagata, faimai ua taugata. Ae o lau tala, afai o ia o le Samoa ua asiasi mai e le o se mea lea e fai ma ona sao aua Samoa ma le atinaeina o lona fale faamamatoto, sei tulou. Ia ua manaia le fale, ua aumai foi tatou masini talu ai, ese le manaia pe a e silasila iai ma ou te fautuaina leni Maota, a maua sou avanoa agai i le Maota fou lea ua sii iai le tatou faamamatoto. Leai se mea faaletonu, mautu mea uma.

Ae pau a na o nai vala aua o le ituiga foliga foi lea o tatou, e sau loa pe tasi pe lua le faamamatoto, e taumafai lava pe maua se pau. Ia afai o faafogafoga mai mo le isi taimi e toe afio mai ai... I le taimi lea o le Kerisimasi ma le Tausaga Fou o le matua tele ia tagata tatou mai fafo sa autovaa mai, ia o le faamamatoto. Sa ou talanoa i nisi o tagata i le ofisa ina ua oatu, faiatu o fea le mea e faamuamua i lau faaiuga atamai. Afai ua faamama lou toto ae e te malaga mai o le maliu, aua o le tala a lena e aumai. E faafefea ona e malaga mai i le maliu a o le tulaga o oe e le faigofie, ia poo le faaipipoga. Ona sau lea talosaga mai, afai e lua vaiaso pe tolu e sau ai le tagata, ia o le mea lena e talosaga mai pe mafai ona tuu i lalo. Ona ou fesili lea iai, O le a sau tau faataitai e mafai ona ou talia ai ia sau tau e pau ai? \$5.00 pe \$10.00? Ia ua na o le talie. Ae o le uiga o lau faamatalaga lau Afioa i le Fofoga Fetalai o le tau faamaninoga o le afua mai o le faamamatoto mai le toaiva tagata ma tagata Samoa na ave i Niu Sila e faamamatoto ma faavae ai i le 2005 lea lava e tumau ai. O lona uiga afai tatou te matau e tatou te o i se tau taugofie mo le faiga o lea mea, o lona uiga ua tatau ona tapuni le fale faamamatoto ua le toe iai se mea.

O le ala lea afioa mamalu i sui usufono sa laga leni mataupu e le tauagavale se tali a le Minisita e tatau ona tatou oo i o'oo'oga i le amataga mai seia oo mai leni vaitau o le taugata o le mea o lo o faagaioi ai tatou gasegase faamamatoto. Atonu la e faafogafoga mai le Ofisa Sili, a oatu nei nai tagata i uta... o le isi mea lea e aumai e lau aufaigaluega e tau fasi latou e tagata pe a faiatu e... se i tulou leni Maota. Ua ma'ema'e foi lea ua... ia ou fai atu lea aua le popole, tutuli mai pe afai o le... ia ona omai lea fai iai lau lauga lou tiute o le faamafanafana. O le talanoa i le talanoa e maua ai le filemu ae le o se talanoa... Ia ona faiatu lea o au tala ua tutulu mai le sui ua tagi sei tulou ma faamalie mai. O ala na o mea,

o le talanoa soalaupule. Ia ona alualu lea, ou faiatu lea afai e te nofo o le a e sau e umi i le fa vaiaso ia lea la o le a ou faiatu se faiga. Ea pe a totogi la ulua vaiaso faataitai tai \$600.00 pea, a uma ona tuu atu lea o le isi vaiaso e totogi ai se isi \$300.00 faapau. Ia afai e umi atu ia ua... faapena, o le matua fiafia.

O le uiga o lau tala o ituaiga... ou te manatua lava ia tala a le Taitai o le Itu Agai i le tele o taimi ou te faalogologo ai, mea o le tofamamao, commonsense. Upu a lea e ese le taua i na vaitau, o le faiga filifiliga lelei ma faaiuga. O mea la na ou te fai i tagata, lea la le mamalu e sa laga le faamamatoto. Ia faamolemole o le faamaninoga malamalama lena. Lea sa uluai laga foi e le sui usufono o Vaimauga aemaise lava tulaga e pei ona iai.

Ona laga foi lea o se isi vaega e foliga e matuia ia ae o lou foi talitonuga o le femalamalamaai. O le mea o le Conflict of Interest, tuuaia ai foi ia se tasi o aufaigaluega, ia atonu e..

Afioga Leana Ronnie Posini: Lau Afioga i le Fofoga Fetalai..

Afioga Hon VALASI LUAPITOFANUA TOOGAMAGA TAFITO SELESELE: Ia leaga o lea ua tulai mai le sui usufono...

FOFOGA FETALAI: Ia malie lau Afioga i le Minisita sei tuu atu le avanoa i le sui usufono o Safata 1.

Afioga Leana Ronnie Posini: Faafetai tele i le Afioga i le Minisita i le folasaga manino ma malamalama. O lea ua faafofoga foi le Palemene aemaise foi ia le tatou atunuu aemaise foi e o lo o afifio ma papaaao i atunuu e mamao i le tulaga lea. O le mea moni a lau Afioga i le Minisita o lea ua manino, ae o le tele foi ia o nai o tatou tagata ua fesootai mai i le tulaga lava lea o le faamamatoto. O lea la ua e saunoa manino iai. E pau lea o le latou tuualalo o tatou Samoa e agai mai, e tele a ina agai mai i taimi o faalavelave faafuasei pei o maliu ma tulaga faapena. O lea sa e taua faapea e omai fai ia Passport Samoa ia ae o le latou faitau e umi le taimi e faagaioi ai ia tulaga faapea. Ae o le omai foi o latou na omai e aumai a latou seleni e aumai i faalavelave i totonu o latou aiga, tele foi lo latou sao i totonu o le tatou Malo.

Afioga Hon VALASI LUAPITOFANUA TOOGAMAGA TAFITO SELESELE: Lau Afioga i le Fofoga Fetalai..

Afioga Leana Ronnie Posini: Ia sei tau faamaea atu...

Afioga Hon VALASI LUAPITOFANUA TOOGAMAGA TAFITO SELESELE: Lau Afioga i le Fofoga Fetalai ua ou tulai atu o lo o mau i lau faamaumauga pau le fesili a le sui usufono lea na aumai ia te au, poo le a le mea ua tupu i le Falemai o Saanapu, pau a lena. E na te lei taua se.... o le Minisita lena e faamaumau lelei fuaiupu ma koma ma mea uma. Ae e lei taua e le sui usufono lea le faamamatoto, faamolemole lau Afioga e tusa ai o tatou Tulafono Tumau.

FOFOGA FETALAI: Ia o lea ua faamaonia mai e le Minisita o la foi e faamaumau e te lei saunoa i le tulaga lea o le faamamatoto. Ae tulai mai pe a iai se isi mea e...

Afioga Leana Ronnie Posini: Lau Afioga i le Fofoga Fetalai, sa matua ou taua lava ma faamamafa iai lau tautalaga i le tulaga lea. Ia atonu ai ua matua le Minisita ua tau galogalo ia mea o le tatou fonotaga, ae manino a lau folasaga.

FOFOGA FETALAI: Malie ia lau Afioga i le Minisita, o oe foi o le Tama o le Matagaluega ia o lea foi ua... ia o lo o fiamaua foi sou finagalo aua le....

Afioga Hon VALASI LUAPITOFANUA TOOGAMAGA TAFITO SELESELE: Faafetai, o le faalagi o le tagata matua o le faamanuiaga a le Atua. Afai la o le faamanuiaga, ia faalogo la le laititi i le matua. A o lea ua ou talanoa atu lau Afioga i le Fofoga Fetalai leaga e pau a lea o le fesili lea na ou faamauina i lalo. Masalo a suesue ane le Hansard e leai ma se talanoa a le sui usufono i le faamamatoto.

O le ala lea o lou vave tulai atu. O au ou te faaaloalo tele ae ou te faalogo loa ua sipa ia tatau loa ona faasao. Ia ma e malie le sui usufono...

Afioga Leana Ronnie Posini: Lau Afioga i le Fofoga Fetalai...

Afioga Hon VALASI LUAPITOFANUA TOOGAMAGA TAFITO SELESELE: O lea a e aafia mea uma i le tanoa.

Afioga Leana Ronnie Posini: O le mea e fia faasao.

FOFOGA FETALAI: Leai e faamalulu atu foi i lau Afioga i le Minisita o lea e maua i tatou faamaumauga sa taua e le sui usufono. O le mea lea e faamalulu atu ai i lau Afioga i le Minisita, e leai o lea lava... atonu ua iai foi se... ia e faapena. O le uiga lava o tatou nei ma le...

Afioga Fuaava Suluimalo Amataga: Lau Afioga i le Fofoga Fetalai pe a maua se avanoa faamolemole, sefe ai le taimi o le Minisita ae lei se'e ese ma le faamamatoto.

FOFOGA FETALAI: Ia, leaga o lea e lei maea mai le saunoaga a le sui usufono o Safata 1.

Tulai mai lau Afioga i le sui usufono o Safata 1.

Afioga Leana Ronnie Posini: Faafetai tele i lau Afioga i le Fofoga Fetalai, e talitonu o faamanuia ia, e saolelei lava le Afioga i le Minisita. O faamanuiaga o le tagata matua ia lea ua tau galogalo ai ia nai a tatou mataupu o le tatou fonotaga.

A o le taua, e faaauau sau tala faamolemole lau Afioga i le Fofoga Fetalai, e tele tagata na fesootai mai i le tulaga lea. O le latou foi lea tautua i totonu o le

tatou atunuu, e ala ona agai mai i totonu o le tatou atunuu o faalavelave. Tele le latou tamaoiga ma le latou tautua i sao i totonu o le tatou atunuu, ae a agai mai ia o lea ua....

FOFOGA FETALAI: Malie lau afioga i le sui usufono mamalu, sei tulai mai le Afioga i le Palemia.

Afioga Hon Fiamē Naomi Mataafa: Faafetai lava mo le avanoa, e matau atu ma le totoa, ia o le a ou le talanoa poo ai na laga maia le mataupu. Ae pei o lea e faagasolo le tatou galuega, o lea ua tali le Malo a o le toe tulai mai o sui usufono ma toe lauga mai i mea na lauga muamua iai. A o lea foi ua tali atu le Minisita, o le a toso ai le tatou galuega. E leai se meafou o aumai i le mataupu lea. O le auga pe a maua atu, o tagata Samoa ia e malaga mai pe faalavelave poo a mea a o le auga lena o le mataupu. O lea la ua tali le Minisita. O le a toso tele le tatou mataupu pei o le a lauga faalua, faatolu, faafa a o lea e faagasolo le tatou galuega.

FOFOGA FETALAI: Ia tulai mai lau Afioga i le Minisita, o lo o manino lava le folasaga a le Minisita i lana folasaga muamua.

Ia tulai mai lau Afioga i le Minisita.

Afioga Hon VALASI LUAPITOFANUA TOOGAMAGA TAFITO SELESELE: Faafetai o le ala lea o le taumafai atu. Poo fea lava le mea e iai le Samoa, Niu Sila, Ausetalia, Amerika, e leai se agaga i le tatou Malo e aveesea latou avanoa pe a omai. A o le mea e tulituli ia mafai ona iloa e le tatou Matagaluega le taimi e oo mai ai ma faatulaga masini i lo o le tu faafuasei mai pe afai o le mea lea e finagalo iai le sui usufono. Leai o lo o iai auala ma e le o mafai, le o mafai ona aveesea e le tatou Malo avanoa e tuuina atu i o tatou tagata. Aemaise foi pei ona ou talanoa atu ua uma ona faatulaga lelei avanoa o tatou lava tagata i masini i lea aso ma lea aso. Ae afai e tu faafuasei mai le tatou tagata mai fafo ia ua fetuunai foi la ma toe....nei afaina ai se soifua. A o le agaga atoa o lo o tumau pea le avanoa lelei ia ma tulaga e pei ona iai le taumafai ina ia tali atu i manaoga e le gata i o tatou tagata ia a o tagata malaga mai. Ia aemaise foi tulaga e pei ona iai tatou tagata eseese mai fafo o le lalolagi ia pe afai e afea le tatou vaega faamamatoto nei mea ane ua tupu mai se mai faafuasei. Ia aemaise foi tulaga o tatou Malo o le a iai nei, nei mea ane ua.....ae o lo o manino ma lelei ia tulaga e pei ona iai.

Ona ou see mai lea i le....

Afioga Leana Ronnie Posini: Lau Afioga i le Fofoga Fetalai e tasi a si mea lea, tasi a le auga atoa o le mea o taumafai atu ai.

FOFOGA FETALAI: Masalo ua e manino mai i le mea lea sa saunoa mai ai le Palemia aua e talitonu lava ua manino a le saunoaga a le Malo aemaise le Afioga i le Minisita. E pei o le agaga lena lea e taumafai atu o lea ua faamaumau

uma i lalo mea uma sa outou sausaunoa iai aua lava le agai i luma oa outou fautuaga.

Se i tulai mai pe i ai se isi mea.

Afioga Leana Ronnie Posini: Ia o le a le toe oo sau tala iai, pau a lea o le lagona, o le aua lava o le siitaga lea e 300% le siitaga o nai o tatou tagata i fafo lea ua sii iai le tau. O le latou tatalo mai, ea pe a tau tuu i lalo le siitaga lea mai le 300% pe toe tuu pe na o se 100% pe afai e iai se mea faapena ma le agaga faaaloalo.

FOFOGA FETALAI: Ua saunoa le Minisita i le agai i le lumanai. O saunoaga foi a le Minisita o lo o fuafua mo le agai i luma ma o lo o amanaia foi nai o tatou tagata. Ae finagalo malie ia le sui usufono o lea ua taoto le saunoaga a le Minisita.

Afioga Sulamanaia Fetaiai Tauilili Tuivasa: Lau Afioga i le Fofoga Fetalai mo le faasaoina o le avanoa o le Afioga i le Minisita.

FOFOGA FETALAI: Sei tulai mail au... e pau a lea o le sui usufono ou te fiafia e tulai mai, e tulai mai loa faafetai loa i le Minisita. Sei tulai mai lau Afioga i le sui usufono mamalu.

Afioga Sulamanaia Fetaiai Tauilili Tuivasa: O le agaga faafetai lena o le tulai o lenei sui usufono, o lea ua malele le...E faamalieina a lenei itumalo pe a saunoa le afioga i le Minisita. E pei o le agaga foi lena lea sa avatu a se i taumafai tatou te ositaulaga ma nai o tatou tagata e omai iinei i Samoa ona o le tulaga i le tau. O lea foi ua saunoa ma malele le afioga i le Tamaitai Palemia ia pei o le tulaga lena lau afioga ona e le... o le tulaga o lo o i ai nai o tatou aemaise a nai o tatou tina matutua ma tama matutua o lo o i ai le gasegase lea. O nisi lava e fai i nai fanau la e i Niu Sila ou te alu ou te oti i Samoa ona sau loa lea a o la e i ai le faamamatoto. O le agaga lea na avatu ai na ala ai ona maua le sitiseni a si tina lea ma tama ona o le tulaga i nai fanau a o lea ua sau e oti i Samoa. O lona uiga pe tausaga lava pe a ia a o lea o le a amoina lenei avega i le \$600 a o tatou a tagata e pei o le agaga lena sa tuuina atu ai le talosaga a lenei itumalo se i tatou silasila ane lau Afioga. Pau a tagata e le mafai ona entitle i le tulaga lena tagata e le o ni tagatanuu a o tagata Samoa o lo o afifio po o fea a o le lalolagi o lo o i ai ae a afio mai i Samoa tatou alu a i le tau lea o lo o i ai, ma tatou lea e i ai nei i Samoa, o nai tagata na o lo o agalelei mai i si o tatou atunuu e pei o le agaga lena. Ae ua faamalieina lenei itu i le faamamatoto i lau afioga i le Minisita.

FOFOGA FETALAI: Ia o lea ua maua lou finagalo. O le isi itu i le taua o saunoaga a le Minisita o lo o faaaoaga lava le...

Afioga Fuaava Suluimalo Amataga: Pe maua se avanoa lau afioga i le Fofoga Fetalai...

FOFOGA FETALAI: E pei o le agaga lena. O le faamamatoto foi lea e toe tulai mai ai le sui usufono o Aleipata Itupa i luga?

Afioga Fuaava Suluimalo Amataga: Ia o lea lava faamolemole lau afioga. E laitiiti lava si vaega lea...

FOFOGA FETALAI: Ia tulai mai, se i saunoa lau afioga i le sui usufono mamalu.

Afioga Fuaava Suluimalo Amataga: Mo le faasaoina o le taimi o le afioga i le Minisita. Ia faafetai i lau afioga mo le avanoa, faafetai foi i le Minisita mo le saunoaga o lea ua manino le tele o vaega. E pei o le tulaga foi lea sa avatu ai se fautuaga a lenei itumalo i le faatinoga foi lele po o le implementation o le tatou siitaga lea. E pei sa tatalo atu ai ia progressive foi lele faaalu muamua le isi 100 ia na \$300 lea ia faaalu le isi 100% ua \$600. O lea ua manino lau saunoaga, o lea ua e faatinoa le tulaga lea i e sa affio atu foi i lou ofisa ma a ua le progressive la ae pei foi lele ua regressive foi lele amata i le 600 a umi isi vaiaso ua \$300.ae pei o le tulaga lea...

FOFOGA FETALAI: Ia o lea ua maua le finagalo o le sui usufono...

Afioga Fuaava Suluimalo Amataga: Ua e saunoa foi i le tapenaga mo le fonotaga a Taitai o le Malo Taupulega e pei e tau autasi ma le mea foi lele sa tatalo atu ai i le tatou mobile system foi lele atonu e fesoasoani afai o tua le Sinalei o lo o affio ai ia taitai e faigofie na... pe a malaga mai ia taitai ae i ai se isi e manaomia lea treatment aemaise siou itumalo leaga e taumamao Aleipata o lo o faafofoga mai. Faafetai.

FOFOGA FETALAI: Ia se i tulai mai lau afioga i le Minisita o Faatoaga ma Faiga Faiva.

Susuga Hon Laauli Leuatea Polataivao Fosi: Lau afioga i le Fofoga Fetalai o le ave lava o le faamaoniga o le mea lea e saunoa ai le Minisita o le Falemai, o le lua masina talu ai na sulu atu ai se tasi o tina e sau mai Niu Sila i le itumalo o Lepa, ioe, ua fiu e saili le faipule e le maua. Ia na sulu atu lea i lou ofisa. O le galuega alofa la sa ou faia sa fai lau tusi aloaia ou tusi i le Minisita, se i silasila ane i le mafatiaga o le tina lenei ua faatolu ona totogi lana tupe lea tai \$600 na ou sulu i le Minisita o le Soifua Maloloina. E mavae le 3 vaiaso ae toe foi atu le alo o le tina lea e faafetai ia te a'u, Laauli ua maua le faamamaavega mo si ou tina. Sui usufono mamalu e o lea ua saunoa atu le Minisita o lea ua taatia a tatou faiga faavae saunoa foi i le potu tau... tulou lava i le tulaga o le tatou discretion. Doctor has the full discretion e fai ai le mataupu lea ae se i faagasolo le tatou fonu o lea ou te molimau atu na faatino e le afioga i le Minisita le tulaga tonu lava lea tou te atugalu mai ai, ae malilie ia tatou faagasolo.

FOFOGA FETALAI: Ia vaai la i le mau manaia lea ua aumai e le Minisita o Faatoaga ma Faiga Faiva o lo o i ai le discretion o le afioga i le Minisita. Ia lau afioga i le Minisita o le Soifua Maloloina.

Afioga Hon VALASI LUAPITOFANUA TOOGAMAGA TAFITO SELESELE: Lau afioga i le... sa ou musu e talatala mea ia aua o mea ia e gata a i le Minisita. O i latou uma ia e tulai mai fai mai e sii lea ua lauga ia faafofoga mai tagata se leaga mea e manaia o le matou sui usufono la e lauga mai ia pau. E tou te le alolofa ia Samoa. O le uiga o lau tala e fai lava, a foi lea sa ou taua le tofamamao a le Taitai o le Itu Agai i taimi ia a ou faalogologo leaga ua leva na ou saofai i ina, leva na ou saofai i na, sa ou aoaoa mai la mea ia i le toeaina lea o Tuilaepa vaeatu le Suafa ou te le o selu atu ae o le tofamamao. Ou te manatua foi le saunoaga a le Taitai o le Itu Agai i aso ia a o Palemia. A alu atu le tagata ia te ia mo se isi fesoasoani ma se mea o lo o moomia e tau mai i e leai ni galuega a le isi vaega ia e i lalo CEOs. Ou te manatua lelei. O le ala lea o lou fai atu e leai se isi e sulu atu i lou Ofisa e leai se faamamaavega. O le Tulafono a ia e tatau na tausii a o ai o le a le faia se galuega lelei pe afai e sau o le toeaina, o le loomatua, ia tailo i ai na o le Atua Soifua o lo o... lea e taua e Laauli le mea lea. Ia ou te le toe talatalaina ma e le tasi se tagata. E i ai nisi tagata e sau fai mai ua leai sana tupe ae faatoa sau mai Niu Sila ia na ou fai loa i ai, sole se ou te ofo i le mafai na e sau pe afai e leai sau tupe ia o au tala e ata ai ae o na mea e iu lava i le fai o lau pepa e ave i le Pule faamolemole se i vaai ane i si tina lea po o si tamaitai lea po o si alii ae aua tou te popole o lo o i ai lava Mose ma le Au Perofeta o lo o i ai fuafuaga. Ia faatali se i tou Minisita ia na outou omai foi lea e fai ni a outou faaiuga lelei ae o lau tala e manino lena mea i tulaga e pei ona i ai. Ona tatou oo mai lea i le...

Afioga Sulamanaia Fetaiai Tauiiili Tuivasa: Lau afioga i le Fofoga Fetalai pe maua se avanoa...

FOFOGA FETALAI: O le a feifoioiai le tatou mataupu a o lea ua tali le Minisita...

Afioga Sulamanaia Fetaiai Tauiiili Tuivasa: O le saunoaga a le afioga i le Minisita i totonu o le Maota lenei e le logomalie i le faalogologo a le sui usufono.

FOFOGA FETALAI: Ia o le a le mea ua tupu?

Afioga Sulamanaia Fetaiai Tauiiili Tuivasa: O matou nei na faaali atu a matou tuualalo fai mai matou te le alolofa ia Samoa. O le ala lea na ou tulai atu ai e faasa'o o le alolofa ia Samoa lea e naunau atu ia tuu i lalo mai le \$600 ia totogi o faamama a tagata ia e omai mai fafo. Aua le silasila i le tupe ae silasila i le tamaliiaga o le soifuaga o le atunuu. E pei o le agaga lena leaga e matuia le saunoaga, matou te le alolofa ia Samoa o le alolofa ia Samoa lea e tulai atu ai

o i le Malo e sue nisi tupe e ositaulaga ai ae sefe tupe ia aua le faamamatoto. Ma lou agaga faaaloalo lau afioga i le Fofoga Fetalai.

FOFOGA FETALAI: Ia malo faafetai o lea ua maua, ia se i tulai mai lau afioga e toe faamanino.

Afioga Hon VALASI LUAPITOFANUA TOOGAMAGA TAFITO SELESELE: Lau afioga i le Fofoga Fetalai o le mea la lea sa ou manao ai, sa ou manao ia matua talanoa mai le sui usufono lea i ona lagona ae o lea e pei ua maitaita, ae aua le faimea ita alii o le tatou tala i le Maota lenei, tatou talanoa. Ae ui i lea o le a ou mei ese ma lea mea o lea ua manino po o le a lava po o le a lava e fua lava i le tulaga o tatou faaiuga fai.

Na ou sau lea i le vaega lea sa laga foi e le sui usufono lea, lea foi sa ou taua le mea o le conflict of interest. Sa ia faatusaina ua lagalaga soo foi ia fuafuaga. Pau lava lau lu'i i le sui usufono, ia alu e fai sau lisi o mea ia e te iloa ai le conflict of interest a le CEO na ave lea i le Attorney General ma le Suetusi Sili po o le Okika na aumai lea po o a ni mea o lea e fai ai faaituau ni faiga a le CEO leaga ua ta alofa foi e le mafai ona tali main ai... A o lea ou te talanoa atu, o lau lui la i lau afioga, aumai sau lisi o mea o lo o e manino o conflict of interest nei lea e te silafia ona ave lea i le Attorney General ia fai mai ma fai se tulaga faapena ia mafai ona... nai lo o le tatou tuuaia ae le o i ai ni faamaoniga. I lou talitonuga e pei ona ou talanoa atu o lea foi sa taua e le afioga i le Taitai o le Itu Agai le pito lea a o lea ou te talitonu sa tatala e Tuilaepa a o Palemia ia lea foi falemai taua, e tele le sao o lea foi alo o Samoa i lana falemai o le tele ia o tagata e agai i ai e tua i ai aua foi o le tagata lava ia e filifili po o fea le mea e alu ai e malie ai lona loto ae le o i ai ni faiga faapena lau afioga. O lau la talanoa i le mataupu lea, aumai se lisi... aua e, ia ona iloilo lea...

Susuga Hon Tuilaepa Fatialofa Auelua Sailele Malielegaoi: Lau afioga i le Fofoga Fetalai...

FOFOGA FETALAI: Ia malie lau afioga i le Minisita se i tuu atu le avanoa i le Taitai o le Itu Agai...

Afioga Hon VALASI LUAPITOFANUA TOOGAMAGA TAFITO SELESELE: Ia leaga lea ua tulai mai le...

Susuga Hon Tuilaepa Fatialofa Auelua Sailele Malielegaoi: Ia ou te faamalo i le Minisita i lana saunoaga. E le i alaala i i le taimi sa avatu ai foi se manatu e silasila totoa pea i conflict of interests e aafia ai le Pulega ma ua ou tautala foi i ai i lea mataupu. Sa ou i ai i le tatalaina o le falemai o le afioga i le sui, ia lea la ua faamatuu atu e avea o se trust. O le faalavelave o le trust lena o lana trust ae afai e aumai ai ma tagata ua auina mai i o le falemai e aumai i i e siaki ai ma tofogi fees i i ona toe o lea toe togafiti i o, o le mea lena e igoa o le conflict of interest. Na ona faapena atu aemaise mea o fomai e galulue i le

falemai ae toe omai i i toe tauave ai ni a latou time ia e time of service, lau afioga i le Fofoga Fetalai, o le mea lena e igoa o le conflict of interest. Ia o le tuualalo. O le tuualalo i lau afioga.

FOFOGA FETALAI: Ia tulai mai lau afioga i le Minisita.

Afioga Hon VALASI LUAPITOFANUA TOOGAMAGA TAFITO SELESELE: Ia faafetai lau afioga i le Fofoga Fetalai, e manino a le saunoaga a le Taitai o le Itu Agai, e le o pogisa le Taitai o le Itu Agai i lea foi mea o le conflict of interest. Aua foi lea sa i ai lona alo lea sa galue i le Malo ia e leai lava se eseesea i lau lena maitau leaga lea o lea ua saunoa i le taimi lenei ae sa tupu i na taimi. A o lea ou te fai atu afai o i ai ni mea o afaina ai le CEO ia lisi mai ona ave lea i le Attorney General, aumai le Suetusi e suesue. O lau lea tala manino i luma o le Maota lenei ae o tuuaiga e leai ni faamaumauga. Ia o le mea lena. O lau lui lena lena lea sa fai atu a o lea sa tatou manino sa seei lona alo i i le CEO a o lea sa Palemia.

Susuga Hon Tuilaepa Fatialofa Auelua Sailele Malielegaoui: E tatau ona ou faasao atu...

FOFOGA FETALAI: Ia malie lau afioga i le Minisita leaga lea ua taua le alo o le Taitai o le Itu Agai, ia se i tulai mai lau afioga i le Taitai o le Itu Agai.

Susuga Hon Tuilaepa Fatialofa Auelua Sailele Malielegaoui: E leai se mea e taofia ai se atalii o se faipule po o se Minisita e i ai se tomai e talosaga lea e galue i se Matagaluega ma fai le faaiuga a le Kapeneta i luga o le fautuaga a le panel i le filifiliga na faavae i luga o latou qualifications, ia ona alu ai lea e galue. E leai la se pisinisi a lo'u atalii e tusa o le mea lea. O le faamalulu atu i lau afioga i le tuuaiga e le lavea ai lou atalii i le mea lena. E leai sana pisinisi foi lele sa galue ai i tua e aumai mea a le Malo e faatino ai.

FOFOGA FETALAI: Ia o lea ua manino lea tulaga lau afioga i le Minisita. E i ai foi le manatu o le Nofoa ina ia tatou agai pea i mataupu o lo o tatou talanoaina, ona o lo o i ai nai faamaumauga foi o lo o faamaumau e le tatou Ofisa ina ia tatou vaavaai totoa i ai mo le agai i le lumanai. A o lenei taimi ou te faamalulu atu i lau afioga i le Minisita e tusa foi o lea tulaga, o lea foi ua saunoa le afioga i le Taitai o le Itu Agai.

Ia se i tulai mai le usufono mamalu mo Vaimauga 1.

Afioga Sulamanaia Fetaiai Tauiliili Tuivasa: Lau afioga i le Fofoga Fetalai ona o lea ua te i ua lavea fua le Taitai o lenei itu ae pei o le fesili sa avatu e lenei itu. E faamalulu atu i lau afioga i le Minisita ona o le sui usufono lenei e alofa ia ia te oe o le mea na i ai na avatu o le tuualalo, se i silasila ane i le faatinoina. O lea foi tatou te malamalama uma a i Tulafono Faavae a le PSC e le mafai na fai sau pisinisi ma tulaga faapena. Ae leai se agaga e... tulou lava lea tamalii o le atunuu faapea e fai atu ona e i ai ni tulaga, leai e na o le fautuaga e tuuina atu

i lau afioga aua le agai i luma, ae leai se agaga e i ai ni tulaga ma ni uiga i le afioga i le Doctor po o le afioga i le Polofesa o lo o fai lana pisinisi. Ia e pei o le agaga lena lau afioga i le Minisita. E faamalulu atu ai i le tulaga lena a o fautuaga ia se i silasila ane i ai lau Afioga leaga e le mafai ona e iloa uma mea o tutupu i le Matagaluega aemaise o lea e faauluulu i ai, ae fai foi lana pisinisi falemai. O le tulaga la lena lea e popole i ai le sui usufono. Ae o le tulaga e i ai o fautuaga e avatu i lau afioga mo le agai luma o le tatou Palemene lenei.

FOFOGA FETALAI: Ia o lea ua maua le finagalo o le sui usufono mamalu. Ua ou manatu foi o tulaga faigata ia i le vaavaai atu o le Nofoa e le taugofie aemaise lava o se tuuaiga i se tagata e le mafai ona tali mai totonu o le Maota lenei. Ua i ai foi le popolega o le Nofoa, ona o lea ua talanoaina. Ia e pei o le agaga lena lau Afioga i le Minisita. E leai o lea ua maua, o tuualalo lava na tuuina atu i lau Afioga, ae le o manatu i se isi tulaga e auiliili po o le a. o le tuualalo, ae o lo o i lau Afioga le atoatoa o mea uma.

Se i tulai mai lau Afioga i le Minisita.

Afioga Hon VALASI LUAPITOFANUA TOOGAMAGA TAFITO SELESELE: Lau Afioga faafetai. E leai se agaga e faamautatao, aua o lea ua taua e le sui usufono mamalu leaga o lea na ou agai i le Taitai, leaga sa saunoa ai foi le Taitai o le Itu Agai, aemaise foi o lea ua saunoa foi lau Afioga, ia, ae manatua, o le CEO ia po o le Afioga i le Fomai, na sau lava e CEO ua leva ona fai lana pisinisi, sa i le NUS foi ua leva ona fai lana pisinisi, a o la e aumai lava ia tuuaiga. Pau lena o lau talosaga, afai o i ai ni mea e le manino, ia o le lu'i lena e aumai se lisi ina ia iloa ai, leaga e tatau ona faamama ai na tuuaiga. E ui i lea, faafetai i lau Afioga i le Fofoga Fetalai. o lea ua ou vaai atu e le i taitai uma lau folasaga ma mea sa tali mai ai latou nei. Ae afai loa ua e manao o le a faauma, ia...

FOFOGA FETALAI: Ioe, o lea ua manino mea uma i le saunoaga a lau Afioga. Sa tele foi lava ina e talifuitau a o sausaunoa sui usufono mamalu.

Afioga Hon VALASI LUAPITOFANUA TOOGAMAGA TAFITO SELESELE: Faafetai. Ioe, o le agaga lea. Lau Afioga i le Fofoga Fetalai aemaise foi mea sa saunoa foi le Taitai, aua e moni lava sa ou le i ai i le aso lea, ae sa ou faalogo lelei lava e fia maua mai saunoaga. E tasi lea saunoaga, e ui lava i le tele o saunoaga, ae sa ou fia maua lava le saunoaga a le Taitai o le Itu Agai. Peitai, sa ou toesea i nai asiasiga pupuu ma se tali mai le tatou... i mea o fualaaui lea e taua lea sa taua i le sioki ma... o lo o ua silasila i ai le Matagaluega, o se tasi lena issue laualuga mo le Matagaluega, aemaise matou te fonu ai lava ma le CEO ina ia fai se faiga vave ina ia mafai ona suia se isi auala o le okaina o fualaaui, aemaise o le tatou Warehouse e pei ona taua, o lo o lelei lava ma aoga lelei mo le teuina o le tatou vailaaui ma fualaaui.

Ia, o le agaga lea lau Afioga i le ofoga Fetalai. O le mea sili ma taua o lea ua ou vaavaai atu ua tietie tonu le vae o le uati i le tatou taimi malolo. Ona ou faapea lea, ia, le Matagaluega, o le a foi se tou faafofoga mai i le siisii o le

Maota, e ala ona siisii o le taua o le Matagaluega a le Soifua Maloloina. Aua tasi lenei Matagaluega faigata e le mafai e se potopototo o se atamai ona ia taumafai e vaavaai i mea e tele o lo o faaletonu. Ma e le alo i se ata o se laau lau Afioga i le Fofoga Fetalai o lea lava e vaavaai i tulaga uma e lelei ai le auunaga, aemaise foi o le galuega a alii ma tamaitai fomaini, ia po o tausisoifua o lo o faafogofoga mai, ia o alo foi ma fanau a Samoa.

A o lenei itula o le aso, faafetai atu i si ou itumalo le tapuai mai, ia lena tatou te feiloai lava i faaiuga o vaiaso uma. A i ai ni mea e fesili ai, savalivali ane e fesili ane. A o lenei aso, faafetai mo le tou tapuaiga. Faafetai Samoa, soifua ma ia manuia.

FOFOGA FETALAI: Malo saunoa i lau Afioga i le Minisita, o lea foi ua maea saunoaga e tusa foi o finagalo faaalii i le paia o le tatou Maota. Malo lava faafetai, faafetai mo saunoaga malamalama aemaise foi o saunoaga mafanafana aua lava le agai i luma o le tatou Matagaluega. A o faafogafoga mai foi le Ofisa Sili o Pulega o le Matagaluega, ia o foliga lava ia o Taitai o le atunuu, e le mafai ona natia se mea e manuia ai le atunuu.

O le mea lea, o lea ua outou faafogafoga mai, e le o natia lava finagalo faaalii o Taitai o le atunuu aua lava se manuia o le atunuu mo a taeao. Ona o le tatou lafo, o lea o le a tatou malolo tatou te toe feiloai i le itula e 2:00 a o lea ua tapena le tatou taumafataga e faamafanafana atili ai a outou afioga.

O le a faataatiaese Galuega a le Fono Aoao Faitulafono seia tatou toe feiloai i le itula e 2:00.

Na faataatiaese Taualumaga a le Fono Aoao Faitulafono i le itula e 1:02 i le aoauli.